

ዋሲ ጳውሎስን ዋሲያ ቆሮንጦስኪ አሱን ሜያክ ጋኝግሩ

ጳውሎስ ቆሮንጦስኪ አሱን ሜያክ ትችና እሱን ዋሲያስ ትቼናስ ቆሮንጦስኩ ቶክና ቤቴክርስታኒስ ክርስቲናን ካሲክናዋ እማንቶሲክና ካብ ችዋሲ ራኮክ ኮትባ እማክ ሳፋሬፋትዋ። ኤስ ካባሲክ ቆሮንጦስኩ ሾዉ ቲሳ አሱን ሜያ ፌሴፌ ግሪክን ካታማ ሰንባሰታን ደናሎ እካይያ ይሰቴ ሮሞን ሀእሱሲ እርክ ካታማዋ። ኤስ ካታማሰ እካማ ናጋዳክ፤ ሰናይ ጌእኒ ዱቢዮክ፤ እካማኖን ታግት ፋ ማኙ እማላክናዋ ሀይማኖትሲክቶኒ ሾዋክና እርቶ ካታማዋ።

ዋሲስ እርክሮን ቤቴክርስታኒስሲ ፋ ኦር ኦር ኬሳሶን፤ ዝናሶን፤ ጌርኬሰን ችዋሲክ፤ ኤጵን ግሩን አሲ ችዋሲክ፤ ቤቴክርስታኒኒ ሰትርኒ ችዋሲክ፤ ኮርቶ እያናስ እማሲክቶንዋ ክቱን ካቡኒ ችዋሲክናቱ ማኬፊዋ። ኤሲሰማቶ ዋሲስ ኤስ ማሞሱሲክቶክ ሞሰራቹኒ ካማስ ዋልጉባ እማናማቶቱ ማኬዋ።

«ኬሽታና» ሀኦስ ዳራባሲክ እምና እማሲክቶሰን እካማ ሰንባሰን ቤሰፋሰ ኤደባ 13 ፋ ባር ሀን ማፃፋሲን እርቶ ድማ ይሰቴራቱ ፋድቴፋዋ።

ማፃፋሰ ሰሩክ ኤጵና ኤጶባሰ

ጋኝግሩ 1:1-9

ክርስታናን ሜኒ ጋንያሲ ካቢ ኦር ኦር ኬሳ 1:10—4:21

ጌርኬሳ 5:1—7:40

ኮእሎክ ሹክቱ አሻሶን ሙኒ ችዋክ ጳውሎስ እምና ዋልጉባ 8:1—11:1

ቤቴክርስታኒኒ ካንዋ ሀኦኒ ሺጶኒ ሰትርኒ 11:2—14:40

ክርስቶስናዋ እማኝኒ ሜኒ ክቱን ካቡኒ 15:1-58

ዩዳክ ፌሴ ራካታ ክርስታናን ሜያክ ዛግቱ እርጋሱ 16:1-4 ቲትኒ ችዋኒዋ ማፃፋሲ ኮርኡኒ 16:5-24

¹ ሀኦሲ ፍቃድክ ክርስቶስ የሱሰኒ ዋሲ ሰናናክ ቲግቱ ጳውሎስናዋ አይኒ ሰና ሶስቲኒሲክና፤

² ቆሮንጦስኒ ካታማሲ ፋ ሀኦሲ ቤቴክርስታኒክ፤ ባሪሲ ፌሴ ክርስቶስ የሱሰኒክ ኮርቶ ሰነ ባሶክናዋ ኮርቶ ሰናክ ቲግቱ

ባሶክና፤ ኤሲስማቶ ድማ ድማሲ ባሶክናዋ እኖክና ዳም ሰና ዳምኒ የሱስ ክርስቶስኒ ሱናሶን ቲግሴፌ ባሶ ዙታምቤሲሴ አሲክ፤

³ እባን ሰና ሀኦስክናዋ ዳም የሱስ ክርስቶስኒክና ኦቲምነዋ ናጋነ ንቶክ ሰንፋውቻዋ።

ጋላታ ሀኦሲክ

⁴ ክርስቶስ የሱሲኒኪ ካሞ ሀኦስ ኦቲምባሶን ንቶክ እምና ቦርኣ ዋንና ዋንና ሀኦናሶን ጋላቴፋውቻዋ።

⁵ ዙታምባሴ አሲክ ዋላክ ሰኑን አሩክ ክርስቶስ የሱሲክ ኦቲም ሰንነትዋ።

⁶ ክርስቶስኒ ችዋሲክ ማኬን ዛላስ ንቶኪክ ዛግራቱ ፋዋ።

⁷ ኤስ ባሪ ቦርኣ ዳምኒ የሱስ ክርስቶስኒ እምማኖን ዮሶን ኦደት ፋሴፌት ካባሲክ ሀኦሲ አያናን እማሰኒ እሳርኒኑ ንቶክ አፋ ዮኡና ዉዛ።

⁸ ዳምኒ የሱስ ክርስቶስ ዋል ሌ ዮና ዋኖ ዝኒት ፎንቶ ሰንና ኮላባሰታ ካርአናኔን ችማ ፎትክ ንቶትን ዛጋዋዋ።

⁹ ናባ ሰንና ዳምኒ የሱስ ክርስቶስኒን እነ እሳርኒት ፎናክ ንቶትን ቴጌ ሀኦሲ እማናምቶዋ።

ክርስታናኒ ሜኒ ጋነያሲ ዛግቱ ኦር ኦር ኬሳ

¹⁰ አይታሳክቶኖ! «ንቶ ጋነያሲ ኦር ኦር ኬሳ ፎናታዋ፤ ዙታምኒትሴ እሳ ንባክናዋ እሳ ሳፋራክና ችምማ ፎትዋ» ይራ ዳምኒ የሱስ ክርስቶስኒ ሱናሲክ ሺጶፋውቻዋ።

¹¹ አይታሳክቶኖ! ንቶ ጋነያሲ ፋሶ ፋናማቶ ኬሎኤኒ ኬር ፌሴ ሜያኪን ኦደቻዋ።

¹² ኤሲስ ደይ ንቶ እሳ እሳርኒትሰ፡- «ታ፤ ጳውሎሰኒር፥ ታ፤ አጽሎሰኒር፥ ታ፤ ጴጥሮሰኒር፥ ታ፤ ክርስቶስኒርዋ» ይሴፌት።

¹³ ኤካን ክርስቶስ ባግቱዎሶ? ጳውሎስ ንቶክዋ እያት ሱቲዎሶ? ወደይ ሀጵክቴሴቲስ ጳውሎሰኒ ሱናሲኮሶ?

¹⁴ ታ፤ ቀርሰፖሰንናዋ ጋዮሰንናታኖ ንቶሰን ኦኒንኑ እነ ሀጵቁት ሰንና ቦርኣ ሀኦናሶን ጋላቴፋውቻዋ።

¹⁵ ኤስ ባሪ ቦርኣ፡- «ታ፤ ጳውሎሰኒ ሱናሲክ ሀጵክቴቻዋ» ይፊ ማኮክ ችምኒር ኦኑ አፊዋ። [

¹⁶ ፋቶዋ፤ እስጥፋኖሰኒ ኬርኪ ሜያኖን ሀጵቅቻዋ፤ ኤስ ባሶኒን እም ሀጵቅና እስሱ ፎባሶን እነ ያዳቶትዋ።]

¹⁷ ክርስቶስ ታን ዋሲናስ ምስራቹኒ ካማሶን ማኮናክታኖ ሀጵቁናክታዋ፤ ክርስቶስኒ ሜስቀሊስ ሽማ ሰንና ፋእቶኖይናማቶ ምስራቹኒ ካማሶን ማኬፋናስ እሱኒ ቴችማክ ቤስቴ ዋላክታዋ።

ክርስቶስ ሀኪኑ ቴቹምነዋ ሁግናነ ሰንናማቶ

18 ሜሰቀሊሲ ካማ ትሹኒ ባሶክ ጎዉምማ ሰንናቱ ፋድቴፋ፤ ሰኑንታኖ ፋሩኒ እኖክ ሀኪኑ ሁግናዋ።

19 «ቴቹምኒ ሜኒ ቴቹማሶን ትሸኩና፤

አሩኒ ሜኒ አሩሶን ሸማ ዛጉናዋ»
ይሰቴራ ትቼዋ።

20 ኤካን ቴቹም አይፊሶ? ቱማሲ አሩ ደይ አይ ፊሶ? ሀን ነያሲ ቱኢኒኚኛስ አይ ፊሶ? ሀኪሰ ሀን ዳሰታኪ ቴቹማሶን ጎዉምማ ኣነ ዛጉዋኖሶ?

21 ሀን ዳሰታኪ አሱኒ ሜያ ባሶ ቴትኒ ቴቹማሲክ ሀኪሶን አሩ ቹዋኖይቴማቶ ሀኪሰ ቴቹምባሲክ ኩልፍዋ። ሰኑንታኖ ጎዋንማቶ ፋድቴፊ እንኖ ማኬፊኒ ምሰራቹኒ ካማሲክ እማነፊ ባሶትን ፋቱናክ ሀኪሲ ፍቃድ ሰኒዋ።

22 ኣጌኑ ሰንፋናነ አይሁድኒ ሜያ ቢሰቴራ አሪቶኖይ ዉዛ ብያ ሾልሴቴርዋ፤ ግሪክኒ ሜያ ደይ ቴቹማቱ ሾልሴፊዋ።

23 ሰኑንታኖ እንኖ ክርስቶስ እኖክዋ እያት ሱቶባሶንቱ ማኬፊኒዋ፤ ኤሰ ባር ደይ አይሁድኒ ሜያክ ቱፋ፤ ግሪክኒ ሜያክ ደይ ጎዉምማዋ።

24 ሰኑንታኖ ቴግቴ ባሶክ አይሁድ ሰኖቶ ግሪክኒ ሜያክ ክርስቶስ ሀኪሲ ሁግናነዋ ቴቹምነዋ።

25 ኤሲሰ ደይ ሀኪሲ ጎዉምማ አሱኒ ሜኒ ቴቹማሰታን ደናሎዋ፤ ሀኪሲ ሆፕያ ደይ አሱኒ ሜኒ ሁግናሰታን ደናሎዋ።

26 አይታሳክቶኖ! ሀኪሰ ንቶትን ቴጌና ካባሲክ አዉነ ፊ አሰሱ ሰንነትማቶ ያዳቶትዋ። አሱኒ ሳፋራሰማቶ ንቶ ጋነያሰን ሾዎኒ ሜያ ቴቹም ወደይ ቹም ወደይ አርቶ አሰሱ ኣፍሶቶዋ።

27 ሰኑንታኖ ሀኪሰ ቴቹምኒ ሜያኖን ኢሹናክ ሀን ዳሰታኪ ጎዋንማቶ ፋድቴሴፊ አሱኒ ሜያኖን ኮሪዋ፤ ቹምኒ ሜያኖን ኢሹናክ ሀን ዳሰታኪ ፊሴ ሆፕኒማቶ ሰንነ ፋድቴሴፊ ባሶትን ኮሪዋ።

28 ሀኪሰ ሀን ዳሰታኪ አሱኒ ሜኒ ሰንናክ ኡልፍንቶ ይሰቴ ዉዛሲክቶኖን ኡልፍንቶኖር ሰንባሶን ቤሱናክ፤ ሀን ዳሰታኪ ዳካሎ ሰና ባሮንናዋ ካሸሰቶ ባሮንና ደይ ሸማ ሰንና ዉዛሶን ኮሪዋ።

29 ኤሰ ባሮን ደይ ዛግናሰ ኦኑ ሀኪሲ ሰንናክ ባሳ ቴትኒ ሳፋራሲክ ቴቶኖይናማቶዋ።

30 ስነታኛ ሀክሰ ንቶትን ክርሰቶስ የሱሰኔን እነ እሳርኒት ፎናክ ዛግዋ። ኤስ ባሪ ቦርኣ ሀክሰ ክርሰቶስ የሱሰኔን እኖክ ቲቼምኒ፤ ኦኮኒ፥ ኮርቶኒናዋ ፋሪና ዛግራ እኖክ እሚዋ።

31 ኤሴ ማፃፋሰሲ ደይ፡- «ቴቴፌ ባር ዳሚሲክ ቴቶዎዋ» ይሰቴራ ትቼናማቶዋ።

2

ሱቴ ክርሰቶስኒ ችዋሶን ማኮ

1 አይታሳክቶኖ! ታ፤ ንቶኪ ያና ካባሲክ ሀክሲ ኣቕ ችዋኖን ማኬናሰ ዎሉምኒ ችማክ ወደይ አካማ ቴቼምኒ ቤሱክታዋ።

2 ንቶኔን እነ ፋና ካባሲክ የሱሰ ክርሰቶስንናዋ ኤሲሰ ደይ ሜሰቀሊሰታ ሱቴሬ ክቱባሶንታኖ ኦማ እሳ ዉዛኑ አሩኖይናማቶ ቡግራ ፋናር።

3 ኤስ ባሪ ቦርኣ ንቶኔን ፋና ካባሲክ ሆፕ ሰንና ድጋክናዋ አካማ ቆርኩክናቱ ፋኒ።

4 ዎሉምናሴዎ ማኮናሴ አሱኒ ቴችማክናዋ ዎሉምኒ ካቱክ ሰኖይናርን ሀክሲ አያናኒ ሁግናኖን አምማኖን ቤሱክዋ።

5 ኤስ ባርን ደይ ዛግናሰ አማንቶኒቲሰ አሱኒ ቴቼምታ ካፑቴር ሰኖይናርን ሀክሲ ሁግናክ ቴቶናክዋ።

ሀክኒ ቴችማ

6 ስነታኛ አያናክ ፎክ ችዎ አሱኒ ሜያክ ቴችማክቱ ማኬፊን፤ ሰንፋናክኑ ማኬፊኒሰ ደይ ሀን ዳሰታኪ ቴችማክ ወደይ ትሹኒ ሜኒ ሀን ዳሶን ሀእሰሴፌ ባሶ ቴችማክታዋ።

7 ስነታኛ እንኖ ማኬፊኒሰ ሀክሰ ዜምማ ሾዎ ነያኔን እንኖ ኡልፍናሲክ ሆሰና ባሬዎ ኣቼራ ፋ ሀክሲ ኣቕ ችዉኒ ቴችማኖንዋ።

8 ሀን ዳሶን ሀእሲፌ ባሶ ጋነያሰን ሀን ቴችማሶን አሪር ኦኑ ኣፌ፤ አርሴቴ ሰንፋናን ኡልፍንኒ ዳሚሰን ሱቶሶን ካባታዋ።

9 ስነታኛ ማፃፋሰሲ፡-

«ኣፋ ብኖይናሶን፤

ኦዶ ኦዶይናሶን፤

አሱኒ ንባ ሳፋሮይናሶን፤

ሀክሶን ሹንፌ ባሶክ ሆሲዋ»

ይሰቴራ ትቼናሰማቶዋ።

10 ስነታኛ እኖክ ሀክሲ አያንባሲክ ካዎ ኣቕ ችዋሶን አምማኖን ቤሰዋ። ሀክሲ አያና አካማኖን ኣቕ ሰና ሀክሲ ችዋኖኑ ፋኦኖይ ዙትራ ቴእኒርዋ።

11 እሱኒ ችዋሲክ ሰናር ሰንፋናን ባሳ ቲትኒ እያናሰታኖ ኦማ ባሳሲ ፋ ሳፋራሶን አሪፌር ኦንሶ? ኤሲሰማቶ ሀኦሲ እያናታኖ ሀኦሲ ሳፋራኖን አረኒር ኦኑ አፌዋ።

12 ሀኦሲኪን እምቲ ወዛሶን አረኒክ ሀኦሲ እያናኖንቱ ኤጳታኒታኖ ሀን ዳሲ እያናኖን እነ ኤጳቶዌኒዋ።

13 ኤሰ ባር ደይ እያናኒ ወዛሶን እያናክ ፌሴፌ ባሶክ ማኬፌኒሰ እሱኒኪን ቤሰቴፋ ቴችማሲክ ሰኖይናሮን ሀኦኒ እያናሰኪን ቤሰቴፋ ቴችማሲክዋ።

14 ሰኑንታኖ ሀኦሲ እያና ባሳሲ ትሸፋን አሻክ ፌፌ አሰሱ ሀኦኒ እያናሰኪን እምቲፋ ወዛሲክቶኖን አፋ ኤጴቶና ወዛ። ኤሰ እምቲ እማሶን ቱኡኒፌናሰ ሀኦሲ እያናኪ ካሞ ሰንና ቦርእ ኤሰ አሱሰ ያዳቶናክ አፋ ችማናወዛ።

15 ሰኑንታኖ ሀኦኒ እያና ባሳሲ ፋና ባር ዙታምባሴ አሰን ቱእኒር። ሰኑንታኖ ባር ቴትባሲክ ኦንክኑ እነ ቱእንቴፌ።

16 ኤሲሰ ደይ፡-

«ዳሚሳ ሳፋራኖን፤

ኦ አረክ ችምንሪንሶ?

ባሪን ኪቱክ ችምንር ኦንሶ?»

ይሰቴራ ትቼናሰማቶ፡

ሰንፋናክኑ ክርሰቶሰኒ ንብባሲ እንኖሲ ፋርዋ።

3

ቆሮንቦሰኒ ቤቴክርሰታኒሲክ ኦር ኦር ኬሳ ካብ

1 አይታሳክቶኖ! ታ፤ ንቶትን አሰፋና ካባሲክ አሽኒ ሳፋራክ ክርሰቶሰኒኪ ሀሽኑ ችምማ የሮኖይ ዳጋ ናንጎታ ሰንነትማቶታኖ ሀኦኒ ካማክ ፌሴፌ ባሶሲማቶ ዛግራታዋ።

2 ችማ ሙኒ ሙክ ችምኖይ ዳጋ ናንጎታ ሰነት ቦርእ ታ፤ ንቶትን ሻቦታኖ ችማ ሙ እነ ማሱትዋ፤ ሀሽኑ ሰንፋናክ ንቶ ችማ ሙኒ ሙክ እነ ችማትዋ።

3 ንቶ ሀሽኑ አሽኒ ሳፋራክ ፌ አሱዋ፤ ንቶትና ንቶትና አሰሲ ዋል ኮኖነዋ ካራካሮን ፋር ሰንና ቦርእ አሽኒ ሳፋራክ ፌር ሰንነትታኖሶ? ዋሰቴት ፋሴቲ ዋሰቶሰ ደይ ባክ እሱኒማቶታኖሶ?

4 እሳር፡- «ታ፤ ጳውሎስኒርዋ» ኦሚሰ ደይ፡- «ታ፤ አጵሎስኒርዋ» ይፌና ካባሲክ ባክ ሀን ዳሰታኪ አሰሱ ሰነትሶንታኖሶ ቤሲፋናሪ?

5 ሻካፎት አጲሎስ አምቤንሶ? ጳውሎስ አምቤንሶ? ባሶ ንቶ አማኖትክ ዛግ ዋስትኛዋ፤ እሳ እሳርቤሲስ ዋስቴሴፌስ ዳሚሲክ ባሶክ እምና ዋስቶሶቻዋ።

6 ታ፤ ቶኪን፤ አጵሎስ አካ ኡሽ፤ ሰኑንታኖ ድቺስ ሀኦሰዋ።

7 ኤስ ባሪ ቦርኣ ዋስቶሲክ አሪክሮን ሾልሱ ሰናስ ድቾ ሀኦሰታኖ ቶካ ባር ሰኖ አካ ኡሽ ባር እሳ ዉዛታዋ።

8 ቶካ ባር ሰኖ አካ ኡሽ ባር እሳ ባርዋ፤ እሳ እሳርባስ ዋስቶባሰማቶ ቴትባሲ ዋጋኖን ኤጴቶናዋ።

9 እንኖ ንቶኔን አነ ሀኦሲክ ዋስቴ ዋስትኛዋ፤ ንቶ ደይ ሀኦሲ ፎሽነዋ ሀኦሲ ሹእኒ ኬነዋ።

10 ሀኦሰ ታክ እምና ባሪ ኦትማሲማቶ እሳ ሀጤ ሹእኒ ኬያ ኬርእፌ ኬርእኛንማቶ ካፑታ ኩንሰንዋ፤ ኦሚስ ደይ ታ፤ ካፑትና ካፑታስታቱ ኬርእናዋ። ሰኑንታኖ እሳርባ እሳርባስ ኤስ ባርስታ አካክ ኬርእናማቶ አሩናክ ሾልሰፋዋ።

11 እሳርጋ ካፑቴ ካፑታስታን ኦኑ እማ ካፑታ ካፑታናክ አፋ ቾማናዉዛ፤ ኤስ ካፑታስ ደይ የሱስ ክርስቶስዋ።

12 ኦኑ ኤስ ካፑታስታ ዋርቄክ ወደይ ብሪክ፤ ማእ ኡልፍንቶ ሹእክ ወደይ እኦክ፤ ሻእክ ወደይ አጋዳክ ኬርእር ፊፋናነ፤

13 አሰሱ እሳ እሳርባሳ ዋስቶ አምማኖን ኬስሳ ቤስቶና ማቻሱኒ ካርኒ ዋናስ ዮናዋ፤ ኤስ ዋኖ እሳ እሳርባሳ ዋስቶ አዉነፋር ሰንናማቶ ጌያክ ፋታንቴራ ቢሰቶና።

14 እሳ ሹኒ ኬያ ኬርእኛአስ ካፑትና ካፑታስታ ዋስቴና ዋስቶስ ጌያክ ፋታንቴራ ኪቾኖይ ፋእቴፋናነ ሹኒ ኬያሶን ኬርእ ባር ዋግባሶን ዳናናዋ።

15 ዋስቶባስ ጌያክ ኪቼና ኬርእኛአስ ዳናና ዋግባሶን ቱርኩናዋ፤ ሰኑንታኖ ባር ቴትባሲክ ጌያሲ ካሞ አትፋት ኪቾኖይ ፋእቴ አሱኒማቶ ሰንኔ ፋሩናዋ።

16 ሀኦሲ ቤቴሜቅደስ ሰኒትማቶናዋ ሀኦሲ አያና ደይ ንቶሰሲ ፋፋናማቶና አነ አሩዌትኖሶ?

17 ኤሴ ኦኑ ሀኦሲ ቤቴሜቅደስኖን ቦጋናነ ሀኦስ ባሪን ቦጋርዋ፤ ሀኦሲ ቤቴሜቅደስ ኮርቶዋ፤ ኤስ ቤቴሜቅደሲሲ ደይ ንቶዋ።

18 ንቶሰን ኦኑ ቴትባሶን ኤሻናታዋ፤ ሀን ዳሰታኪ ቱቼምኒ ጌፋሲክ ቱቼም ሰንነ ቤስቴር ፊፋናነ ሀኦሲ ፋቶ ቱቼማኖን ዳናናክ ቴትባሶን ጎዋ ዛግሬ ፋዱዋዋ።

19 ሀን ዳሰታኪ ቱቼማስ ሀኦሲ ሰናክ ጎዉምማዋ፤ ኤሲስ ደይ ማፃፋስሲ፡- «ሀኦስ ቱቼምኒ ሜያኖን ማቶቤሲሲክ ባሶትን ኤሽሚያ ሰንና ኤጳናዋ» ይሰቴራ ትቼናሰማቶዋ።

20 ኤሲሰማቶ ደይ፡- «ዳሚስ ቱቹምኒ ሜኒ ሳፋራስ ሽማ ሰንናማቶ አሪፌኒዋ» ይሰቴራ ትቼዋ።

21 ኤስ ባሪ ቦርኣ ዙታምባሴ ንቶር ሰንና ቦርኣ ኦኑ አሱኒክ ቱቶናታዋ።

22 ጳውሎስ ሰንፌናክ አጲሎስ ሰንፌናክ ጴጥሮስ ሰንፌናክ ሀን ዳሰኑ ሰንፋናክ ካሰኑ ክቱሰኑ፤ ሀሽቲ ፋ ባርኑ ሰኑን ዮኒ ባር ዙታምባሴ ንቶርዋ።

23 ሰኑንታኖ ንቶ ክርሰቶሰኒር፤ ክርሰቶስ ደይ ሀኦኒርዋ።

4

ክርሰቶሰኒ ዋሰትኛ

1 ኤሴ አሰሱ ዙታምባሴ እኖትን ክርሰቶሰኒ ዋሰትኛ ሰንኒማቶናዋ ሀኦሲ ኣቶ ሞዋኖን አምማኖን ክሰፊ ማኮኒ ሀኦሱኒ ሁግና እምቲና አዳራ ኤጶ አሰሱ ዛግሬ ፋዴናክ ሾልሱዋ።

2 አዳራ ኤጶ አሱኒ ሜያ አማናምቶ ሰነሬ ቤሰቶሶነክቱ ሾልሰፋዋ።

3 ታ፤ ሞሲክ ሰንፋናኒ ንቶኑ ታይሰታ ማሻሱ ካርኤፊትክ ወደይ ኦም አሰሱ ታይሰታ ማሻሱ ካርፌናክ እሳ ግድና ኣፋዋ። ፋቶሲክ ታ፤ ታ፤ ቱታሲክ ታይሰታ ማሻሱ ካርኣናክ ኣፋ ሹማናዉዛ።

4 ታ፤ አሪፋናሲማቶ ሰንፋናኒ ካኑናሰ ኣነ ታን ዋቃሴፋዋ፤ ሰኑንታኖ ታይሰታ ማሻሱ ካርኒሰ ዳሚስ ኮእባዋ።

5 ኤስ ባሪ ቦርኣ ዋንባሰ ካርኖይፊን ወደይ ዳሚስ ማሻሱኒ ካርኣክ ዮኖይፊን ኦኒሰታኑ ማሻሱ ካርኣቲታዋ፤ ባር ዬና ዋኖ ታልማሲ ኣቸራ ፋ ኣቶ ሞሶን ቻሬፋሰታ ክሱናዋ። አሱኒ ሜኒ ንብባሲ ኣቸራ ፋ ሳፋራሶን አምማኖን ክሱናዋ፤ ኤስ ካባሲክቱ አሰሱ እሳ አሳርባሲክ ሀኦሰኪን ሾልሱ ጋላታ ዳናናዋ።

6 አይን ሜያነ! ንቶክ ኬእኒ ዉዛሲክዋ እያት ሀን ሞሲክ ታናዋ አጲሎስኒናና ቤሶ ዛግሬ ማኬቻዋ፤ ኤስ ባርን ደይ ዛግናሱ፡- «ትቼ ባሪሰታን ኣታታታዋ» ይፋ ኪቶሶን እኖኪን አሩትክዋ እያትዋ። ኤስ ባሪ ቦርኣ እሳ አሱኒክ ቱቱፋት ኦሚሰን ካሹትክ ኣነ ሾልሰፋዋ።

7 ነ፤ ኦሚሳታን አዉክ አርኩታሰሶ? ኦሚሰኪን ኤጶቶኖታ ዉዛ ኣምባንሶ? ኤካን ዙታምባሴ አሰን ኤጶ ታታሰ ኦሚሰኪን ሰንናኔን ኦሚሰኪን ኤጶቶኖይ አሱኒማቶ አዉኒርን ቱቱፋሰሶ?

8 ሀሽኑ ንቶክ ሾልሲ ወዛሶን ዙትራ ዳንትዋ! ሀሽኑ ደይ ኦቲም ሰንነትዋ! እኖስታን ኦር ኬስሳ ታቶ ሰንትዋ! ፋቶክ ታቶ ሰነት ሰንፋናነ እንኖ ደይ ንቶኔን እነ ታቶኒር ሰንና ቦርኣ ማኦሪ ሰንናና ካባዋ።

9 ኤስ ባሪ ቦርኣ ሀኦሲ ዋሲ ሰና እኖትን ክቱኒ ማሻሰኒ ካርኣ ባሶስታ ካቱን ዋርቶሶን ድማ ኦቴሬ ሀሜሬ አሱኒ ሜኒ ጋነያሰን ኮእኒሰ እንኖ ሰንማቶቱ ታክ ቤስቴፋዋ። ኤስ ባርስታን ካብ ሹዋ ሀን ዳ ዙታምባሴ አሲሰ ሀኦኒ ዋሶያኑ ሰንፋናክ አሱኒ ሜኒ ሰንናክኑ ሰንፋናክ ቢሶቶኒ ወዝንማቶ ሰንና ቤስቴፊንዋ።

10 እንኖ ክርስቶስኒክዋ እያት ጎዋ ሰንኒዋ፤ ሰኑነታኖ ንቶ ክርስቶስኒኪ ካሞ ቱቹምኒ ሜያ ሰንነትዋ፤ ኤሲስማቶ እንኖ ሆፕን ሜያ ሰንኒዋ፤ ሰኑነታኖ ንቶ ደይ ቹምቤሲ ፋና ሜያ ሰንነትዋ፤ ንቶ ደይ ኡልፍንቶ ሰንነትዋ፤ ሰኑነታኖ እንኖ ሳልጳቴር ሰንኒዋ።

11 ኤስ ሳኣትሰ ካርኣና ካባኔን ማክቴፊኒ፤ እክቴፊኒ፤ አታቱ ሰንፊኒ፤ እቹፊኒ፤ ዱኒ ኬያ ቱርኩክ ራካቴፊኒ።

12 እንኖ ቱትኒ ኩሹሲክ ዋሶቶክ ሆፕፊኒ፤ እኖትን ኤርውሴፊን ኤቢሰፊኒ፤ ካብግሴፊን ፋክፊኒ፤

13 እኖትን ሜእኤፊንናዋ ሱንኒሶን ማሻሰሴፊንና ማእሮን ባሶክ ዋልግፊኒ፤ ኤሴን ሀውቶ ካርኣ ሀን ዳስታክ ሀእቶ ወዝነዋ ፋትቴራ ሀእቱ ዲምነ ሰንኒዋ።

14 ታ፤ ሀን ባሮን ንቶክ ትቶናሰ ሹንቶ ናንጎትና ሰንነትማቶ ዛግራ ኪቱናክታኖ ንቶትን ኢሽሹናክዋ እያታዋ።

15 አዉኑ ሰኑን ክርስቶስኒኪ ካሞ ሾዋ ዞንሰንቲ ፊፊናክኑ ሾዋ አባንት አፊዋ፤ ሰኑነታኖ ታ፤ ንቶትን ክርስቶስ የሱሰኒ ምስራቹኒ ካማሲክ ኮንሻዋ።

16 ኤስ ባሪ ቦርኣ ታ፤ ቤሶሲክ ዞኑስቶትክ ሺጶፋወቶዋ።

17 ኤስ ሹዋሲክ ሹንቶናዋ አማናምቶና ሰንና ደይ ዳሚሲክ ናታ ሰና ትሞትዮሰኒን ንቶኪ ዋሶሻዋ። ዳ፤ ዳሰንናዋ ሾዋ ቤቴክርስታኒሰንና ታ፤ አሲፋናይሲማቶ ባር ታ፤ ክርስቶስኒኪ ካሞ ዳና ጋድዶ ካሲ አጃጅኖን ንቶክ ያዳሱናዋ።

18 ንቶሰን እሳ አባይሰ ንቶትን ብያክ ዮ ቤያናርነ ፋር ሰንና ባሶክ ቤስቴፋን ቤጋንቶክ ቱሜሴቴዋ።

19 ሰኑነታኖ ዳሚሳ ፍቃድ ሰንፋናነ ሀን ታኦ ዋናሰሲ ንቶኪ ዮናዋ። ኤስ ካባሲክ ኤስ ቤጋንቱሴፊ ባሶ ዋላሶን ኮእባ ሰኖይናርን ሁግናቤሰሶንኑ አሩናክ ሾሌፋወቶዋ።

20 ሀኦሲ ታቶ ዋሉምኒ ሹዋታዋ፤ ሰኑነታኖ ሀኦኒ ሁግናዋ።

21 ሾሌፊትስ አምባገነን? ከኦኒ ሃሮ ኤጳ ንቶኪ ዮናክቻዋ ወደይ ኬሽታናክናዋ ጋራምኒ አያናክና ዮናኪ ሾሌፊትሪ?

5

አማኝኒ ሜኒ ጋነያሲ ዛግቲ ማኞ አማላ

1 ንቶ ጋነያሲ ኢቹ ሶሎኒ ዝና ፋናማቶ ዋሉምቴድፋርዋ። ኤስ ኤፋቴና ሶሎኒ ዝናስ አዛብኒ ሜኒ ጋነያሲ ኣነ ዛግቲፋዋ። ኤሲስ ደይ ቱሽኒ እንቶባሶን አሰሱ ዛግሬ ኤጳ አሰሱ ንቶ ጋነያሲ ፊርዋ ይሰቲዋ።

2 ኤካን ኤስ ኤፋቴና ኢቹ ሞን ንቶ ጋነያሲ ፊን አዉኒሮን ቤጋንቴፊትሪ? ኤሲስታን ሀን ሞዋሲክ ሱሞትክ ኣነ ሾልሱዋኖሪ? ኤስ ኤፋቴና ዋሰቶሶን ዛግ አሱስን ንቶ ጋነያሲን ኦር ክሱትዋ።

3 አዉን ፋሮን ታ፤ አሻክ ንቶኔን ኣነ ፎ ቤይፋናክኑ አያናክ ንቶኔን ኣነቱ ፋዉቻዋ፤ ንቶኔን ኣነ ፋናሪማቶ ሰንና ኤስ ኤፊቴና ዋሰቶሶን ዛግ አሱሳታ ዳሚሳ ሱናክ ማቻሱ ካርአቻዋ።

4 ዙቴሴፊት ካባሲክ ታ፤ ደይ ዳም የሱሰኒ ሁግናሲክ ንቶ ጋነያሲ አያናክ ፋናር ሰንና ቦርአዋ።

5 ቦርአክ ቱሜ ፊ ሀን አሱሳ አሻ ትሹናክ ሴጣናሲክ አትራ አማትክ ሾልሱዋ። ኤስ ባሮን ደይ ዛጉሶቲስ ዳም የሱሰ ማቻሱኒ ካርአክ ዬፊና ዋኖ ኤስ አሱሳ ካ ፋሩናክዋ።

6 ኤሴ ቱቶንትስ ማአርታዋ፤ ኪሰኩ ማሶስ አካማ ቱሾሶን ክሰፋናማቶ ኣነ አሪፊትኖሪ?

7 ሀሽቲ ሰንትስማቶ ማሶባ ፎንቶ ኦራ ቱሾንማቶ ሰንናትክ ሀጅፋ ድ ማሶሶን ትሽኩትዋ። እኖክ ፋሰካኒ ፋንቱ ሰንና ክርሰቶስ ሹክቲዋ።

8 ኤስ ባሪ ቦርኣ ማኞነዋ ቤጋንቶን አሰክ ቱምማ ሀጅራ ድ ማሶሲክ ሰኖይናሮን ማሶባ ፎንቶ ጋራማክናዋ ፋቶክና ቂጣኒ ኤሶሶን ኡልፍንሱኒዋ።

9 ዜምቲ ንቶክ ትቶና ዋሰያሲክ ሶለፊ ባሶኔን ኣነ አሳር ሰንናትታ ይራ ፋናርዋ።

10 ኤስ ባሮን ደይ ይናስ ዙቲ ኤጳ ሀን ዳሰታኪ ሶልሴፊ ሜያኔን ወደይ ጆርሴፊ ባሶኔን ወደይ ዊሰኒ ሜያኔን ወደይ ኮልሎ ሺጲሴፊ ሜያኔን ኣነ ፎቲታ ኡናታዋ።

11 ሰኩንታኖ ታ፤ ሀሽ ትቶና አማኝኒ ሜያ ይሰቲፋት ሶለሴፊ ባሶኪን ወደይ ጆሬሴፊ ባሶኪን ወደይ ኮልሎ ሺጲሴፊ ባሶኪን

ወደይ አሱኒ ሱና ማሻሻሎፊ ባሶኪን ወደይ ዛየሴፊ ባሶኪን ወደይ ቦኤሴፊ ባሶኪን እነ እሳር ሰንናትታዎ ኡናዎ። ኤስ ኤፊቴና አሱኒ ሜያኔን እነ ሙኑ እነ ሙቲታዎ።

¹² ክርስታናን ሜን ማባራሲ ጌራካሎ ፊሴ አሱኒ ሜያሰታ ማሻሻ ካርኒሰ ታ፤ ኦንሶ? ክርስታናን ሜን ኬርካሎ ፊሴ አሱኒ ሜን ችዋሲክ ንቶ ቴትንትሲክ ማሻሻኒ ካርክ ችምቲርታኖሶ?

¹³ ጌርክ ፊሴ አሱኒ ሜን ችዋሲክ ማሻሻ ካርኒሰ ሀኦሰዋ፤ ኤሴ ማፃፋሲ፡- «ማኙ አሱሰን ንቶ ጋነያሰን ኦር ክሱትዋ» ይፋዎ።

6

ክርስታናን ሜን ጋነያሰ ፋ ማላታ

¹ ንቶሰን እሳይሰ ክርስታና ሰና አይባሰኔን እነ ፋሴፋናን ችዋባሶን ክርስታናን ሜያ ብዮነክ ዛጉሰታን ማላቶናክ አማኖይይ ሜን ሾንጎሰታ ሀማናክ አካክ ችምሶ?

² ሀኦኒ አሱኒ ሜያ ሀን ዳሰታክ ማሻሻ ካርኦነማቶ እነ አሩዌትኖሶ? ኤካን ሀን ዳሰታክ ማሻሻ ካርክትር ሰንፊን ሀን ጋር ወዛሶን ማሻሻኒ ካርክ ሆቹትሮሶ?

³ ሀኦኒ ዎሰያሰታኑ ማሻሻ ካርክኒር ሰንናማቶ እነ አሩዌትኖሶ? ኤካን ሀን ዳሰታኪ ችዋሲክ አካክ ዳይሰራ ማሻሻ ካርክ ቤያኒርንሶ?

⁴ ኤሴ ንቶትና ንቶትና ዎል ፋሴፋትነ ክርስታናን ሜን ማባራሰኔን ጌራካሎ ሰና ካሸሰቶ አሱኒ ሜን ሰና ችዋንትሶን አካክ ታእሱትሶ?

⁵ ሀን ባሮን ማኬናሰ ኢችሹክዋ እያትዋ። ሻካፎቲ ንቶ ጋነያሲ አይኒ ሜያኖን ማሻሻኒ ካርክ ችምኒ አሩባ ፋና አሰሱ ኣፊኖሶ?

⁶ ሰኑንታኖ አይ አይባሰን ማላቴሬ አማኖይይ ሜን ማሻሻ ካርኒ ኬር ኤጼ ሀማሰ ሾልሱኖሶ?

⁷ ኤሴ ንቶ ጋነያሲ ንቶትና ንቶትና ዎል ማላቴራ ካራካሬት ፎንቲሰ ቴትባሲክ ሳልጺናዎ። ኤሰ ባርሰታን ንቶ ሚርክሜፋቲነታኖሶ ዋያይ? ኤሲሰማቶ ንቶ ኤሸቴፋትነ ዋያታኖሶ?

⁸ ሰኑንታኖ ንቶ አይንቲ ሰና ክርስታናን ሜያሰታኑ ሚርክኦነዋ ኤሸሹነ ካትድፊትርዋ።

⁹ ጃልሲፊ ባሶ ሀኦሲ ታቶሲ አፋ ግርሶነ ዉዛ ሰንናማቶ እነ አሪፊትኖሶ? ኤሰ ችዋሲክ ኤሸቶቲታዋ፤ እግሬ ባሶ፤ ሶለፊ

ባሶ ወደይ ኮልሎ ሺጵሴፌ ባሶ ወደይ ጌርኬሴፌ ባሶ ወደይ ኣርቃርና ኣርቃርና ዋል ኤጴፌ ባሶ፤

10 ወደይ ዊሲኒ ሜያ፡ ወደይ ጆርቱኒ ሜያ፡ ወደይ ዛይኒ ሜያ፡ ወደይ ኣሱኒ ሱና ማቫሰሴፌ ሜያ፡ ወደይ ቦእኛኒ ሜያ ሀኦሲ ታቶሲ ኣፋ ግርሶን ዉዛ።

11 ንቶሰን እሳ እሳይሰ ኤሲሰማቶ ሰንና ፋሴትርዋ። ሰኑንታኖ ሀሽ ዳምኒ የሱስ ክርሰቶሰኒ ሱናሲክናዋ ሀኦኒሲ ኢያናክና ቦርኒትሰን ማሰቴራ ካይምትዋ፤ ሀኦሲክ ኮርቴ ኮርቶ ዳራ ሰነት ደይ ኦኮ ሰንትዋ።

ጌርኬሰኒ ችዋ

12 «ዙታምባሴ ታክ ፋቃድቴዋ፤ ሰኑንታኖ ዙታምባሴ ታክ ኣፋ ኬኣናዉዛ፤ ዙታምባሴ ታክ ፋቃድቴዋ፤ ሰኑንታኖ ኣፋ ዉዛሲክኮ ቦዛ ሰንና ኣፋ ሀኦኦና ዉዛ።

13 ሙሰ ካትንርዋ፤ ካታሰ ደይ ሙኒርዋ» ኤካን፤ ሀኦሲ ሙሶን ጌዳ ካታሶን ጌዳ ትሸኩኒርዋ። ሰኑንታኖ ኣቱኒሰ ዳምኒ የሱሰኒርዋ፡ ዳም የሱሰ ደይ እንኖ ኣቱኒሰር ሰንና ቦርኦ ኣቱኒሰ ጌርኬሳሲ ዋሰቶኖን ዋሰቶናክ ኣነ ሾልሰፋዋ።

14 ሀኦሰ ዳም የሱሰኒን ክቱን ካብግዋ፤ እኖትን ደይ ሀግናባሲክ ክቱን ካብጉናዋ።

15 ኣቱንቲሰ ክርሰቶሰኒ ኣቱኒ ባግቶ ሰንናማቶ ኣሪትርታኖሶ? ኤካን ክርሰቶሰኒ ኣቱሶን ኤጲ ታምማ ሶለፋ ማሸካሱሲ ኣቱሰኔን ኣነ እሳር ሰናናክ ዛጉ ሾልሱኖሶ? እሳንነ ኣነ ሾልሰፋዋ!

16 ሶለፋ ማሸካሱሰኔን ኣነ ኩንፌ ኣሰሱ ባርኔን ኣነ እሳ ኣቱ ሰንባሶን ኣሪትርታኖሶ? «ሄፖቤሲሴ እሳ ኣቱ ሰኖነዋ» ይሰቴራ ትቼዋ።

17 ሰኑንታኖ ዳም የሱሰኔን ኣነ እሳር ሰንፌ ባር ባርኔን ኣነ ኢያናሲክ እሳር ሰንፌዋ።

18 ኤሰ ባሪ ቦርኦ ጌርኬሳሰታን ዋክትዋ፤ ኣሰሱ ዛግፊና ቦርኦስ ዙቴራ ኣቱባሰታን ጌራካሎቱ ዛግፊዋ፤ ሰኑንታኖ ጌርኬሰፌ ኣሰሰ ባሳ ቱትኒ ኣቱሰታቱ ቦርኦ ዋሰቴፊዋ።

19 ንቶ ኣቱሰ ሀኦሰኪን ኤጲ ታቲ ባሬዋ ንቶሲ ፋ ኮርቶ ኢያናሲ ቤቴሜቅደሰ ሰንናማቶ ኣሪትርታኖሶ? ኤሴ ንቶ ሀኦሲርቴኖ ንቶ ንቶ ቱትኒርቴዋ።

20 ባር ንቶትን ዋጋክቱ ዋጌዋ፤ ኤሰ ባሪ ቦርኦ ኣቱንትሲክ ሀኦሶን ኡልፍንሱትዋ።

7

ኤጵነ ግሩነ

¹ ንቶ ታክ ትቶቲ ችዋሲክ አሰሱ ማሸካሱኔን እነ ኩኑ ሻካናነ ማእሪዋ።

² ሰኩንታኖ ጌርኬሳሰታን ዋካክ ኣርቃሱ እሳርባ እሳርባሰ ቱትባሪ አሱባ ፎቻዋ፤ ማሸካሱ እሳርባ እሳርባሰ ቱትባሪ ቱጎባይ ፎዋዋ።

³ ቱጎ አሱባሲክ ዛጉናክ ሾልሲ ባሮን ካላናታ፤ ኤሲሰማቶ አሱሰ ደይ ቱጎባሲክ ሾልሲ ባሮን ካላናታ።

⁴ ማሸካአሱሰ አቱባሰ ባር ባርሪታዋ፤ ቱጎሳርኔንቻዋ፤ ኤሴ ደይ ቱጎ አቱባሰ ባር ባሳርታዋ፤ አሱባሰርኔንቻዋ።

⁵ ቶምማ ሀኢ ሺጶክ ሄፖንቲሴ ንቶትና ንቶትና ዋል ሜርኬራ ጋሮ ዋኒሮን ሰና ሻካናነ ኦር ኬሰሳ እሳይሰ ኦሚሳ ማብትኖን ካላናታዋ። ኤሰ ባሪ ቦርኣ ቱትንትሶን ኦዳ ሆፕራ ሴጣናክ ፋታንቶኖይትማቶ ዋላ እሳሪክ ፎትዋ።

⁶ ሀን ባሮን ይፋናሰ ደይ አጃጅኒማቶ ሰኖይናሮን ኪቶዋ እያትዋ።

⁷ አሰሱ ዙቴሬ ታይሲማቶ አሰሱ ኤጵኖይ ፊፋናነ ሹናና ካባዋ። ሰኩንታኖ እሳርባ እሳርባሲክ ሀኢሰ ኦማ ኦማ እማቱ እምዋ፤ እሳይሲክ እሳ ቱሳ እማ እሚ፡ ኦሚሲክ ደይ ኦማ ቱሳ እማ እሚዋ።

⁸ ግሩኖይ ባክ ዲሴ ባሶናዋ ቱጎቤሰ ክትና ማሸካሱሲክቶነ አሲክ ይፋናሰ ደይ ኤሲሰዋ፤ ግሩኖይ ታማቶ ሰንነ ፋሴፋቴነ ማእሪዋ።

⁹ ሰኩንታኖ አሽኒ ኤናንቶክ ኪቸሰታን ኤጶ ዋያ ሰንና ቦርኣ ቱትቤሲሶን ሀኢሱ ሆፕሴፋቴነ ኤጶቶዋ።

¹⁰ ኤጶ ባሶክ ደይ እማና አጃጂሰ ሀንሰዋ፤ ኤሰ አጃጂሰ ደይ ዳሚሳርታኖ ታርታዋ፤ ግሪ አሰሱ ቱጎባሳታን ኦር ኬሳናታዋ።

¹¹ ኦር ኬሰፋናነ ግሩኖይናማቶ ቱትባክ ባክ ዲን ወደይ ቱጎባሰኔን እነ ጋኖን፤ ኤሲሰማቶ ቱጎ አሱባሰን ኮፍኩናታዋ።

¹² ሰኩንታኖ ኦምኒ ሜያክ ዳሚሰ ሰኖይናሮን ታ፤ ቱትናሲክ ይፋናሰ ኤካዋ፤ እሳ ክርሰታና ሰንና አሰሱ ክርሰታና ሰኖይ አሱባ ፋፋናነዋ ባርኔን እነ ፎናክ ሾሌፋናነና ጋፍኩናታዋ።

¹³ ክርሰታና ሰና ማሸካሱ ክርሰታና ሰኖይ ቱጎባይ ፊፋናነናዋ ባር ባርኔን እነ ፎናክ ሾሌፋናነና ባሮን ኮፍኩናታ።

¹⁴ ክርሰታና ሰኖይ ቱጎሰ ክርሰታና ሰና አሱባሲ ቦርኣ ሀኢ አሰሱ ሰንናናዋ፤ ክርሰታና ሰኖይ አሱሰ ደይ ክርሰታና ሰና

ቴጎባይሳ ቦርኦ ሀኒኒ አሰሱ ሰንናናዋ፤ ኤካ ሰና ሻካናን ንቶ ናንጎታሰ ሀኒኒ ናንጎታ ሰናናክ ኣፋ ችማናዉዛ። ሰኑንታኖ ኤሰ ባርክ ፋሴፋትነ ናንጎታኒትሰ ሀኒኒ ናንጎታዋ።

15 ክርሰታና ሰኖይ ባር ኦር ኬሳናክ ሾሌፋናነ ኦር ኬሶዋ፤ ሰኑንታኖ ኤሰ ባርኪ ክርሰታና ሰንና ቴጎሰ ሰኖ ክርሰታና ሰንና አሱሰ ኣፋ ችዋክኑ ግድክ ኣፋ ኦድቶና ዉዛ። ሀኒሲ እኖትን ቴጌናሰ ናጋክ ፎኒክዋ።

16 ነ፤ ክርሰታና ማሸካሱሴ፤ ክርሰታና ሰኖይ ቴጎኔሰን አዉዛክነ ፋኦታቶ አዉ አሪፋሰሴ? ነ፤ ክርሰታና ሰና ኣርቃሱሶ! ክርሰታና ሰንኖይ አሱኔሶን አዉዛክነ ፋኦታቶ አዉ አሪፋሰሶ?

17 እሳ እሳርባሲክ ዳሚሰ ባርክ እምና እማሲክናዋ ሀኒሰ ባሪን ቴጌና ካባሲክ ፊና ፎሲክና ፎዎዋ። ቤቴክርሰታኒሲክቶክ እምና ቱማሰ ኤሲሰዋ።

18 ኦኑ ሃርኮ ኩናኔን ኦርፎ ቴግቴር ሰንፋናነ ሃርኮ ኩኖይነ ፊር ሰንነ ሳፋርናታዋ። ሃርኮ ኩኖይ ቴግቴር ሰንፋናነ ሃርኮ ኩናናክ ሾሎናታዋ።

19 ሃርኮኒ ኩና ሰኑን ኩኑ ቤያ ዋግባ ኣፋዋ። አርክ ዉዛሰ ሀኒሲ እጃጅኖን ኦዳሰዋ።

20 ኤሰ ባሪ ቦርኦ አሰሱ እሳ እሳርባሲክ ሀኒሲ ባሪን ቴጌና ካባሲክ ፊናማቶ ችምሜ ፎዎዋ።

21 ሀኒሰ ኔን ቴጌና ካባሲክ ቦዝ ሰንና ፋታሮ? ሰንፋታነዎ ግድባ ኣፋዋ ራካቶታታዋ። ሰኑንታኖ ብርማዲምማ ኬሰኒ እጣ ዳንፋታነ ኤሰ እጣሰ ነይሰታን ኣታናታዋ።

22 ቦዝ ሰንነ ፊን ዳሚሲክ ቴግቴ አሱሰ ዳሚሲክ ብርማዲምማ ዳኒዋ። ኤሲሰማቶ ደይ ብርማዲምማ ኬሴ ፊን ቴግቴ አሱሰ ክርሰቶሰኒ ቦዝዋ።

23 ዋጋክ ዋግቴት ቦርኦ አሰኒ ቦዝ ሰንናትታዋ።

24 ኤሰ ባሪ ቦርኦ አይታሳክቶኖ! አሰሱ እሳ እሳርባሲክ ቴግቴፊና ካባሲክ ፊና ፎሰማቶ ሀኒሴን አነ ዛግሬ ፎዎዋ።

25 ግሩኖይ ወደይ ኤጵኖይ ዲሴ ባሶ ችዋሲክ ዳሚሰኪን ኤጵና እጃጅ ኣፋዋ። ሰኑንታኖ ዳሚሳ ፋክያክ አማናምቶ አሰሱ ሰንናማቶ ታ፤ ኪቶሶን እማናዋ።

26 ሀሽቲ ፋኒ ዎናሰ ራኮኒ ዎና ሰንና ቦርኦ አሰሱ ኤጵኖይ ወደይ ግሩኖይ ባክ ፎባሰ ማአሪነ ፋርዋ።

27 ሰንፋናክኑ አሰሱ ኤጲት ሰንፋታነ ጋፍኩክ ሾሎታታዋ፤ አሰሱ አነ ኤጴ ሰንፋታነ ኤጲክ ሽሎታታዋ።

28 ሰኑንታኖ ነ፤ አሰሱ ኤጲታነ ቦርኦ ሰኒርዋ ኡታዋ። ኤሲሰማቶ እሳ ዱርባ ናዋ ግሪፋናነ ቦርኦ ሰኒርዋ ኡታዋ። ሰኑንታኖ አሰሱ

ኤጵፌ ባሶ ሀን ዳስታኪ ሾዎ ፎኒ ራክኮ ባሶትን ኤጵርዋ። ታ፤ ሳፋራስ ደይ ኤስ ራኮስን ፉእቶትክዋ።

29 አይኒ ሚያነ! ታ፤ ንቶክ ማኮናስ ሀንሰዋ፤ ዎናስ ካዉኒዋ፤ ሀንኔን ኤካሎክ አሱባ ፊና ባር አሱባ ፎንቶኒማቶ ሰንነ ፎዎዋ።

30 ዋሰሴፌ ባሶ ዋሱኖይ ባሶይሲማቶ ሰኖቶዋ፤ ግርሴፌ ባሶ ግሮሶኖይ ባሶን ፊር ሰንነ ፎሶቶዋ። ኮዳ ዋግሴፌ ባሶ እሳ ኮዳቤሲ ፎንቶ ዛግሬ ፋዱሶቶዋ።

31 ሀን ዳስታኪ ባሶክ ኬእፋ ዉዛሶን ባሶክ ኬእኖር ዛግሬ ፋዱሶቶዋ። ሀሽቲ ፋ ሀን ዳስታኪ ዉዛስ ኣታርዋ።

32 ኤስ ባሪ ቦርኣ እሳ ሳፋራክኑ ራካቶኖይ ፎሶትክ ሾሌፋዉቶዋ። አሰሱ ኤጵኖይ ባር ዳሚሰን ግርሱና ዉዛቱ ሾሌፌ ሰንና ቦርኣ ሳፋራባሶን ዳሚሲክ ሾልሱ ዎስቶታቱ ፌሽፌዋ።

33 ሰኑንታኖ አሰሱ ኤጵ ባር አሱባሶን ግርሱክ ሀን ዳስታክ ፋ ዉዛሶንቱ ሳፋሬፌ።

34 ኤስ ባርክ ሳፋራባስ ሄፕክ ባግቲዎ ኡዋ። ኤሲሰማቶ ግሩኖይ ማሽካሱስ ወደይ ዱርባ ናዋ አሽባሲክናዋ ካባሲክና ኮርቲራ ዳሚሳር ሰንናክ ሾሌፋና ቦርኣ ሳፋራባሶን ዳሚሲክ ሾልሱ ዎስቶሰታቱ ፌሽፋዋ። ሰኑንታኖ ግሪራ ድ ማሽካሱስ ቲጎባሰን ግርሱናክ ሾሌፋና ቦርኣ ሳፋሬፋና ሳፋራስ ሀን ዳስታኪ ዉዛሶቻዋ።

35 ታ፤ ንቶክ ሀን ባሮን ማኬፋናስ ብርማዱምማንትሶን ካላክ ሰኖይናሮን ንቶክ ኬእናዋ ኡክዋ። ታ፤ ሳፋራናስ ደይ ንቶ ማኣ ፎ ፎትክናዋ ሳፋራንቲስ ባግቶኖይናሮን ቱማ ንባክ ዳሚሲክ ዎስቶትክናዋ።

36 እሳ አሰሱ ቲጌሬ ዱሰና ዱርባ ናዋሶን ኤጵ ቤያናክ ቡግናኔን ኦርፎ ኤስ ባሮን ዛጉባስ ናዋሲክ ማእሮን ኣነ ዛጉዌ ሰንባሶን ሳፋሬፋናን ባሮን ኤጵናክ ፋ ሳፋራባስ ዛጋ ሰንፋናን ባሶ ኤጵን ግሩን ዛጉስ ማእሪ ሰንና ባሪክ ቤስቲፋናን ኤስ ሾሊናሲማቶ ኤጵናን ቦርኣ ኣፍ ሰንናዉዛ፤ ኤጵዋ።

37 ሰኑንታኖ እሳ አሰሱ ንብባሲ ዛግፋናን ግድሱኒ ዉዛ ትሽፋናን ባር ሾሊና ባሮን ዬቱክ ትምፋናናዋ ቲጌና ናዋሶን ኤጵ ቤያናክ ቡግፋናና ማእሮንቱ ዛግ።

38 ኤስ ባሪ ቦርኣ አሰሱ ኤጵ ባር ማእሮንቱ ዛግ፤ ሰኑንታኖ ኤጵኖይ ባር ደይ ኣካማኖን ማእሮንቱ ዛግ።

39 ግሪራ ድ አሱስ ቲጎባሰ ካክ ፊናኔን ኤጵን ግሩን አሲ ቱማሲክ ታቲራ ፋርዋ። ሰኑንታኖ ቲጎባሰ ክትፋናን ኦርፎ ባር ሾሊና አሱኒኪ ግሩናክ ብርማዱማባ ፋርዋ፤ ሰንፋናክኑ ግሩና

እሱስ ክርስታና ሰናናክ ሾልሱዋ።

⁴⁰ ስኑንታኖ ታ፤ ሳፋራሲክ ግሩኖይ ባክ ዲፋናነቱ አሪክሮን ግሬራ ፎናዋ። ሀኦሲ አያና ታይሲ ፋርነ ፋር ሰንናቱ ታክ ቤስቴፋዋ።

8

ኮሎክ ሹክቴ አሻ

¹ ኮሎክ ሹክቴ አሻኒ ሞላኪክ ሰንፋናነ ፋቶሲክ ዙታምኒሴ አሩኒ ፋርዋ፤ አሩስ ጌእሰር፤ ስኑንታኖ ኬሽታናስ ችኒር።

² «አሩና ፋርዋ» ይት ሳፋሬሬ አሰሱ ፊፋናነ አሩናክ ሾልሰንናሰንነ ፋርን ሀሽኑ ኣነ አሩዌዋ።

³ ስኑንታኖ ሀኦሶን ሹንፊ አሱስ ሀኦሲ ሰንናክ አርቶ ሰንናናዋ።

⁴ ኤስ ባሪ ቦርኣ ኮሎክ ሹክቴ አሻሶን ሙኒ ሞላኪክ ሰንፋናነ ኮሎስ ቴትባሲክ ካባ ፎንቶ ሰንናማቶናዋ እሳ ሀኦስታኖ አማ ሀኦ ኣፋ ሰንናማቶ አሪፊኒዋ።

⁵ አዉኑ ሰንፋናክ ሀኦ ሰኖይ ሀኦ ይሰቴራ ቴግቴፋ ሾዋ ሀኦነዋ ሾዋ ዳምኒ ሜና ደን ሳማክ ሰኑን ሀን ዳሰታክ ፊሴቴር ይሰቴፋዋ።

⁶ ስኑንታኖ ዙታምባሴ እሲን ቴሲስ እሳ አባ ሀኦ ኮእባ እኖክ ፋርዋ፤ እንኖ ደይ ባሪር ሰንኒዋ። ኤሲሰማቶ ዙታምባሴ ባርኪ ካሞ ቴስቴናማቶናዋ እንኖ ደይ ባርክ ፋፊኒ እሳ ዳም የሱስ ክርስቶስ ኮእባዋ።

⁷ ስኑንታኖ ኤስ ባርን አርሴፊስ አሱኒ ሜያ ዙታምባሴቴዋ፤ እሳ እሳይስ ሀሽኑ ኮሎኒ ሺጾ ደሰቴሴቴ ቦርኣ አሻሶን ሜሴፊስ ኮሎ ሹክቴር ዛግሬዋ። ኤስ ባሪ ቦርኣ ካኑቤሲስ ሆፕያ ሰንና ቦርኣ ኪነፊዋ።

⁸ ኤሴ ሀኦስኪ ታእሱኒስ ሙሰታዋ፤ ሙቤይፊኒክ እኖክ ዮኡኒ ዉዛኒ ኣፋዋ፤ ማፊኒክ ቡእሱኒ ዉዛኒ ኣፋዋ።

⁹ ሰንፋናክኑ ሀን ብርማዲምማንቴስ አማንቶክ ዛጉኖይ አሱኒ ሜያክ ቱሳ ሰኖይናማቶ ቴትንትሶን ኦድትዋ።

¹⁰ «አሩና ፋርዋ» እያት ኮሎክ ሹክቴ ባርን ኮሎ ሺጽቴፋና ድማስታ ማፊን አማንቶባሲክ ዛጉኖይ አሰሱ ኔን ቢፋናነ ኤስ ዋስቴታ ዋስቶኔስ አሱስ ኮሎክ ሹክቴ አሻሶን ሙናክ ዛግታርታኖስ?

¹¹ ኤስ ባሪ ቦርኣ ነ፡- «ታ፤ አሩዋ» ኡኔሲክ ክርስቶስ ክትና ባሪንናዋ አማንቶባሲክ ዛጉኖይ ክርስታናሰንና ትሽክርዋ ኡዋ።

12 ኤሲሲክ ክርስታና አይንትሳክቶኒን ሚርእኦክናዋ ሆፕያ ካኑቤሲሶን ማዛሱክና ክርስቶስኒን ሚርእኦፊትዋ።

13 ኤስ ባሪ ቦርኣ ሙስ ክርስታና አይታሰን ቱሳእሱኒር ሰንፋናን አይታሰን ቱሳእሱናሰኔን እሳንን አሻ አፋዋ ሙና ዉዛ።

9

ዋሲ ሰንና አሱኒ ማብት

1 ታ፤ ብርማዲምማና ፋና አሱቴኖሶ? ታ፤ ዋስቴኖሶ? ዳምኒ የሱሰኒን እነ ብዩቶሶ? ዳሚሰኪ ካዋ ሆፕናሲ ጋና ንቶቴኖሶ?

2 ዳሚሰክ ታ፤ ዋሲ ሰንናሶን ቤሰፋ ማታም ንቶ ሰንነት ቦርኣ ኦምን ሜያክ ዋሲ ሰና ቤይፋናክኑ ንቶክ ፋቶሲክ ታ፤ ዋሲዋ።

3 «ዋሲ ሰንኒ ማብትነ አፋዋ» ይሪ ታን ፋፌሲድፊር ፌሴፋቴነ ማኮና ዋልጉሰ ሀንኒሰዋ፤

4 ኤካን እንኖ ሙንክናዋ ኡሻኒክና ማብትኒ አፋኖሶ?

5 ኦማ ዋሲን ሚኒማቶናዋ ዳሚሳ አይኒ ሚኒማቶና ደይ ኬፋኒሲማቶ አማነ አሰሱ ዞንሰሬ ኩቱክ ማብትኒ አፋኖሶ?

6 ወደይ ዋስቶኒ ዋስቶክ ካቤት ፎ ሾልሲናሰ ባርናባሰኒክናዋ ታክና ኮእባኖሶ?

7 ዳዋዛባ ፎንቶኖን ቱትባሪ ዋጋክ ሜያ ታርኦ ሰንነ ዋስቶኒር ኦንሶ? ዋይኒ ቶኬ ጋንባሶን ሙኖር ኦንሶ? ምያ ኬምፊጌዶ ሚባሲ ሻቦኖን ኡሸኖር ኦንሶ?

8 ሀን ባርን ማኬፋናሰ አሱኒ ሳፋራኒማቶኖሶ? ቱማሰ ደይ ኤካ እነ ማኬፋኖሶ?

9 «ሜያሶን እቶፋ ጋቹዋሲ ኖኖኖን ታርኦታታዋ» ይሰቴራ ሙሴኒ ቱማሰሲ ትቹዋ፤ ኤካን ሀኦሰ ኤስ ባርን ይናሰ ጋቹዋሲክቶክ ሳፋሬፋትኖሶ?

10 ሀኦሰ ኤስ ባርን ይናሰ እኖክ ሳፋሬና ቦርኦታኖሶ? ቡለፌ ቡልኝኖሲ አብድክ ቡሎናክ ሜያሶን እቶፌ ባር አብድክ እቻናክ፤ ዙታምባሴ ሃኦባሶን ዳናናክ ኤስ ትቹ ባር ፋቶሲክ እንኖ ቦርኦዋ።

11 እንኖ ንቶሰሲ ሀኦሲ ችዋኖን ቡካት ንቶ አሽኒ ኤባሶን ካርኦንን አካማ ዉዛ ሰንባኖሶ?

12 ኦምኒ ሜያ ሀን ዉዛሶን ንቶኪን ሃኦሶንን ማብትቤሰ ፋር ሰንናኔን ኤካን እንኖ ኣካክ ኤስ ባሪስታን ደናሎ ማብትኒ ፎ ቤይኒሪን? ሰኩንታኖ እንኖ ሀን ማብትሶን እነ ኤጳ ኬኤኒዋ። ኤስ ባርን ዛግኒሰ ደይ ክርስቶስኒ ምሰራቹኒ ካማሲ ታግት ሀማሰታን የሮኖይናማቶ ሳፋርክ ዙታምባሴ አሰን ፋክራ ችማኒ ኡክዋ።

13 በቴሜቅደሲሲ ዋስቴሴፌ ባሶ ሙቤሲሶን በቴሜቅደሲሲን ዳነሴፌማቶናዋ ሾኳስታ ማእ እሜፌ ባሶ ደይ ኤስ ማኳስታን ሃእኤሬ ሜሴፌማቶና ንቶ አሪቴርታኖሶ?

14 ኤሲሰማቶ ደይ ሞሰራቹኒ ካማሶን ማክሴፌ ባሶ ሙቤሲሶን ኤስ ዋስቴሴፌ ዋስቶሰን ዳኖነማቶ ዳሚሰ አጃጀዋ።

15 ሰኑንታኖ ታ፤ ኤስ ማብትሲክቶሰን እሳሮንኑ እነ ኤጳቶትዋ። ሀን ባሮን ትቶናሰ ኤስ ማብትናሰ አዉኒሮን ዛግቶናይ ፋእቴሶ ኡክታዋ። አሰሱ ታ፤ ቴቴና ቴቶናሶን ሽማ ዛጉባሰታን ክትፋናነ ታክ ዋያዋ።

16 ሞሰራቹኒ ካማሶን ማኮናሲክ አፋ ቴቶና ዉዛ፤ ማኬፋናሰ ግድ ሰንና ቦርአዋ። ሞሰራቹኒ ካማሶን ማኮ ቤይፋናነ ሀይቡታቻዋ።

17 ሞሰራቹኒ ካማሶን አሰሱ ታን ግድሱኖይናሮን ሹናክ ማኬፋናነ ሆፕናሰ ዋግባ ፎናዋ። ሰኑንታኖ ግድክ ዛግፋናነ ታክ እምቴ አዳራሶንቱ ኮእሰንታኖ ኦማ ዛግና ዉዛ ፋር ኡታዋ።

18 ኤካን፣ ሆፕናሲ ዋጋ አምባንሶ? ኤሴ ሆፕናሲ ዋጋ ሞሰራቹኒ ካማሶን ማኮናሲክ ታክ ፋ ማብትናሶን ቤይፋት ሞሰራቹኒ ካማሲ ማኮኒ ዋስቶናሲክ ካሰቶኒ ዋጋ ፎንቶኖን ባክ ማኮናሰዋ።

19 ታ፤ ኦኒክንኑ ቦዝ ሰኖይ ብርማዲምማ ኬሴ ፌ አሱዋ፤ ሰኑንታኖ ታክ ቕምቴናይሲማቶ ሾዎኒ ሜያኖን ዋልጉክዋ እያት ዙታምቤሲሴ አሲ ቦዝ ሰንቻዋ።

20 አይሁድኒ ሜያኔን ሰንፋና ካባሲክ አይሁድኒ ሜያኖን ፋኦናክዋ ኢያት አይሁድ ሰኒንዋ፤ ታ፤ ቴማሲ ዳካሎ ሰና ቤይፋናክኑ ቴማሲ ዳካሎ ፌሴ ባሶትን ፋኦናክዋ እያት ቴማሲ ዳካሎ ፌሴ አሱኒ ሜኒማቶ ሰኒንቻዋ።

21 ታ፤ ቴትናሲክ ሀኦሲ ቴማ ፌናርናዋ ክርሰቶሰኒ ቴማሲ ሰካሎሲ ፌ አሰሱ ሰንፋናክኑ ቴማቤሲ ፎንቶ አዛብኒ ሜያኖን ፋኦክዋ እያት ቴማባ ፎንቶ አሱኒማቶ ሰኒንዋ።

22 አማንቶክ ሆፕ ሰና ባሶትን ፋኦክዋ እያት ሆፕኒ ሜያን ፌር ሰኒንቻዋ። ታክ ቕምቴናሰነ ፋሮን እሳ እሳይሰን ፋኦክዋ እያት ዙታምቤሲሴኔን እነ ዙታምባሴ አሲን ሰኒንዋ።

23 ኤስ ባሮን ዙትራ ኤካ ዛግናሰ ሞሰራቹኒ ካማሲ ኤባኖን ሃእክ ሞሰራቹኒ ካማሲክዋ እያትዋ።

24 አቶ አቶኒ ኤላሶን ዙታምቤሲሴ ኤለፌሲማቶናዋ ኤስ ኤልላ ባሶሰን እሳ ባር ባር ዋሱማሶን ኤጴቴፊናማቶና

አሪቲታዊ? ኤስ ባሪ ቦርኣ ንቶ ደይ ዋሱማሶን ኤጴቶክ ኤልትዋ።

²⁵ ሃቶ ሃቶኒ ኤላክ ሆሬሴፌ ባሪ ዙቴሬ አካማኖን ፋያ ሌጅቱ ኤጴፌዋ፤ ባሪ ኤካ ሆፕሴፌስ ትሹኒ ኡልፍናኒ ዋሱማሶን ዳናሶነክዋ። ሰኑንታኖ እንኖ ሆፕፌኒስ ትሹኖይ ኮእባ ፎንቶኖን ፎኒ ኡልፍናኒ ዋሱማሶን ዳናኒክዋ።

²⁶ ኤስ ባሪ ቦርኣ ታ፤ ሀምሜ ካርእና ድማሶን አሩኖይ አሱነማቶ ሸማኖን አፋ ኤላና ዉዛ። ሰሩሶን ጉምሜ ክእፌ አሱነማቶ ባክ አፋ ካሶና ዉዛ።

²⁷ ኤስ ባሪ ቦርኣ ኦምኒ ሜያኖን አቶ አቶሰሲ ቴጌናኔን ኦርፎ ታ፤ ቴትናሲክ ሀእቴር ሰኖይናማቶ አቴናሶን ኬእራ ታክ አጃጃሞናክ ዛጉናዋ።

10

ኮእሎሶን ሺጶ እነ ሾልሰፋ

¹ አይታሳክቶና! አባኒሳክቶ ሻሩሰ ዳካሎ ዙስቴሴቴማቶናዋ ዙታምቤሲሴ ሸእ ባሪሶን ፍነቴይሲማቶና ንቶትን ያዳሱናክ ሾሌፋዉኛዋ።

² ሙሴኔን እነ አሳር ሰንናክ ኤስ ሻሩሰናዋ ባሪሰና ሀጹቅቴሴቴ።

³ ዙታምቤሲሴ እሳ ቴሳ አያናኒ ሙሶን ሜሴቴ።

⁴ ዙታምቤሲሴ እሳ ቴሳ አያናኒ ኡሻሶን ኡሸቴ። ኡሸቴሰ ደይ ባሪትን ቴሰቴት ፋ አያናኒ ካኦሰን ኬሳ ባርንቻዋ፤ ኤስ ካኦሰ ደይ ክርሰቶሰዋ።

⁵ ሰንፋናክኑ ሀኦሰ ሾዋኒ ሜያክ እነ ግርዋ፤ ኤስ ባሪ ቦርኣ ዱግኖቤሲሰ ዛሶሲ ሀእቴራ ፋአቴ።

⁶ ባሪ ማኙ ዉዛ ኤናንቴሴቴሰማቶ እንኖ ደይ ማኙ ዉዛሶን ኤናንቶኖይንማቶ ሀን ባር ዙታምባሴ እናክ ቴትንትሶን ኦድት ኡኒ ቤሶ ሰኒዋ።

⁷ «አሱኒ ሜያ ሙሶነክናዋ ኡሾነክና ዲሴቴ፤ ልክኔን ደናሎ ኡሸሼ ሱርሬ ቤጨቆክ ካብሴቴ» ይሰቴራ ባሪ ሾዋሲክ ትቼናሰማቶ ባሪ ኮእሎክ ሺጶሴቴሰማቶ ንቶ ደይ ኮልሎ ሺጶትታዋ።

⁸ ባሪሰን እሳ እሳ ሜያ ጌርኬሴሬ ቦርኣ ዋሰቴሴቴሰማቶ እንኖ ደይ ጌርኬሰን ቦርኣ ዋሰቶኒታዋ። ባሪ ኤስ ባርን ዛግሶቤሲሲክ ባሪሰን እሳ ዋናሲ ሄፓሰሬ ኬዜ ኩም አሱኒ ሜያ ክትሴቴዋ።

9 ባሶስን እሳ እሳይስ ዳሚስን ፋታነሴቲይሲማቶናዋ ዛዋክ ዱፕቴሬ ክትሴቴማቶና እንኖ ደይ ክርስቶስኒን ፋታኖኒታዋ።

10 [ባሶስን እሳ እሳይስ ኡኒሴቴ ቦርኣ ቤቶ ኤጳ ያ ሀኦሲ ዋሲያክ ትሸሴቴማቶ ንቶ ደይ ኡኙትታዋ]

11 ኤስ ባር ዙቴራ ባሶስታ ካርእናስ እኖክ ቲትንትሶን ኦድት ኡኒ ቤሶ ሰናናክዋ። ትቼናስ ደይ ነያሲ ኮእታ ፌ እኖትን ኬኡክዋ።

12 ኤስ ባሪ ቦርኣ የሬርነ ፌር ሰንነ ቤስቴፌ ባር ጋንዶኖይናማቶ ቲትባሶን ኦዶዋ።

13 አሱኒስታ ካርፋ ፋታናስታኖ ኦማ ፋታና ኣነ ንቶስታ ካርኦዋ፤ ሀኦስ እማናምቶዋ፤ ኤስ ባሪ ቦርኣ ንቶ ግዶስታን ደናሎ ሰና ፋታና ንቶስታ ካርእናክ ኣፋ ፋቃዶናውዛ። ፋታንቴፌት ካባሲክ ደይ ፋኩት ሁግና ንቶክ እምማ ፋታናስን ኬሳት ኡግና ንቶክ ሆሱናዋ።

14 ኤሴ ኮንታሳክቶኖ! ኮእሎሶን ሺጶስታን ዎክትዋ።

15 ሀን ባሮን ደይ ንቶክ ማኬፋናስ ያዳትኒት ፊናር ሰነት ቦርኦዋ። ኤስ ባሪ ቦርኣ ታ፤ ማኬፋና ባሮን ንቶ ማቓሱ ካርእትዋ።

16 እንኖ ሀኦሶን ጋላቶክ ሃኤፌኒ ኤባን ቶፎስ ክርስቶስኒ ሀንናስኒን ኣነ እሳርባ ፋርታኖሶ? ባቴራ ሃኦኒ ክጣስ ደይ ክርስቶስኒ አሻስኒን ኣነ እሳርባ ፋርታኖሶ?

17 ክጣስ እሳር ሰንባሲክ እንኖ ደይ ሀን እሳ ክጣሶን ሃኦኒር ሰንናኒን አዉነ ፋሮን ሾዎ ሰንፌኒክኑ እንኖ እሳ አቲዋ።

18 ኤሴ እስራኤልኒ ዳራስ ዛግና ባሮን ቢትዋ፤ እምቴፋ ማኦሶን ሜሴፌ ባሶ ሾኦሲኒን ኣነ እሳርቤስ ኣፋኖሶ?

19 ኤካን፤ ኤስ ባሮን ይፌኒስ ኮእሎሲክ ሹክቴ አሻስ ዋግባ ፋር ኡናኖሶ? ወደይ ኮእሎስ ቲትባሲክ ዋግባ ፋና ዉዛዋ ኡናኖሶ?

20 እንዳነዋ! አዛብኒ ሜያ ማኦ እሜፌስ ሀኦሲክ ሰናይናሮን ክታሲክዋ። ኤስ ባሪ ቦርኣ ንቶ ክታሲኒን ኣነ እሳርኒት ፎናክ ኣነ ሾሌፋትዋ።

21 ዳሚሳ ቶፎስን ኡሽፋት ደይ ክታሲ ቶፎስን ኡሻትክ ኣፋ ችማት ዉዛ። ዳሚሳ ማድታን ሃኤር ሰንፋት ክታሲ ማድታን ሃኤር ሰናትክ ኣነ ሾልሰፋዋ።

22 ኤካን ኤስ ባሮን ዛጉኒሲክ ዳሚስ ኮናናክ ዛጉንሮሶ? እንኖ ባሳስታን ደናሎኖን ችም ሰናኒሮሶ?

23 ዙታምባሴ ፋቃድቴዋ፤ ሰኑንታኖ ዙታምባሴ ኣፋ ኬእናዉዛ፤ ዙታምባሴ ፋቃድቴዋ ሰኑንታኖ ዙታምባሴ ኣነ

ኬፋዎ።

²⁴ እስሱ እሳ እሳርባስ ኦምሲክኔን ኬእኒ ዉዛ ሳፋርዎቴኖ ባር ባሪክ ኬእኒሶን ኮእባ ሾሎናታዎ።

²⁵ ካኑንትሰሲ ሳፋር ሻካት ጋባሰታ ዋግቴፋ ኣፋ አሻሶን ላጸባቶኖይ ሙትዎ።

²⁶ ዳሴዋ ባሪሰታ ፋ ባሬ ዙቴራ ዳሚሳርዎ።

²⁷ አማኖኖይ አሰሱ ሙ ንቶትን ማሱናክ ቴጌፋናነ ሀማትክ ደይ ሾሌፋትነ ቴሸና ሙሶን ካኑንትሰሲ ሳፋር ሻካት ላጸባቶኖይ ሙትዎ።

²⁸ ሰኑንታኖ እሳ አሰሱ፡- «ሀን አሻሰ ኮእሎክ ሹክቴ አሻዋ» እያናነ ኤስ ባሮን ማኬ አሱሳ ቦርአናዋ ካኑንትሰሲ ቦርአና አሻሶን ሙትታ።

²⁹ ካኑ ይፋናስ አሱሳ ካኑኖን ኡናታኖ ንቶ ካኑሶን ኡናታዎ። ኤካን ኦም አሱሳ ካኑኒ ቦርአ ታ፤ ብርማዲምማሰታ ማጃሱ ካርአናስ አዉኒ ቦርአንሶ?

³⁰ ታ፤ ሀኑሶን ጋላቴት ሙ ማፋናነ ሀኑሶን ጋላቴና ዉዛሲክ አዉኒ ቦርአ ዋቃሰቶናሰሶ?

³¹ ኤሴ ማፌት ባርክ ሰኑን ኡሽፌት ባርክ ወደይ ኣፍፋ ዉዛሶንኩ ዛግፌት ካባሲክ ዙታምባሴ አሲን ሀኑሲ ኡልፍናክ ዛጉትዎ።

³² አይሁድኒ ሜያኖን ሰኑን አዛብኒ ሜያኖን ሰኑን ሀኑሲ ቤቴክርሰታንኖን ሰኑን ቴሳእሱትታዎ።

³³ ታ፤ ዙታምቤሲሴ ፋአቶሶነክ ደይ ኦምኒ ሜያክ ኬእኒሶንታኖ ታክ ኬእኒ ባሮን ኮእባ ሾሎኖይ አሱኒክ ዙትራ ዛግፋና ዉዛ ዙታምባሴ አሲክ ግርሲፋናሰማቶ ንቶ ደይ ኤሲሰማቶ ዛጉት።

11

¹ ታ፤ ክርሰቶሰኒ ቤሶሲክ ዙኑስቴናማቶ ንቶ ደይ ታ፤ ቤሶሲክ ዙኑስቶት።

ሀኑኒ ሺጶኒ ሰትሪ

² ዙታምባሴ አሲክ ታን ያዳቴፌት ቦርአናዋ ታ፤ ንቶክ አሲና አሱሶን ማእሰራ ኤጵት ቦርአና ንቶትን ጋላቴፋዉቕዎ።

³ ሰኑንታኖ ኣርቃሱ ዙታምባሴ አሲ ቴት ክርሰቶሰዋ፤ ማሸካሱሲ ቴት ደይ ኣርቃሱ፤ ክርሰቶሰኒ ቴት ደይ አባ ሀኑስ ሰንባሶን አሩትክ ሾሌፋንዎ።

4 ቲትባሶን ጉፌሬ ሆኑ ሺጾፌ ወደይ ራጅኒ ካማ ማኬፌ ኣርቃሱ ዙታምባሴ ቲትባሶንቱ ሳልጺሰፊዎ።

5 ኤሲሰማቶ ደይ ቲትባሶን ጉፎኖይ ሆኑ ሺጾፋ ማሽካሉሱስ ወደይ ራጅኒ ካማ ማኬፋ ባር ባር ደይ ቲትባሶንቱ ሳልጺሰፋዎ። ቲትባሶን ጉፎኖይ ማሽካሉስ ሶምባሶን ፊቴናሪማቶቱ ፋድቴፋዎ።

6 ማሽካ ኣሰሱ ቲትባሶን ጉፎ ሻካናን ሶምባሶን ካቶጃዎ። ሰኑንታኖ ሶምባሶን ካቶ ወደይ ፊቶ ባሮን ሳልጺሱኒ ዉዛ ሰንፋናን ቲትባሶን ጉፎጃዎ።

7 ኣርቃሱ ቲትባሶን ጉፎናክ ኣነ ሾልሰፋዎ፤ ኣርቃሱ ሆኑሲ ቤሶነዎ ሆኑሲ ኡልፍንነዎ። ሰኑንታኖ ማሽካሉስ ኣርቃሱሳ ኡልፍናዎ።

8 ማሽካሉስ ኣርቃኣሱኒኪንቱ ቤሰቴታኖ ኣርቃሱ ማሽካሉንኪን ኣነ ቤሰቶዌዎ።

9 ኤሲሰማቶ ማሽካሉስ ኣርቃሱሲክቱ ቴሰቴታኖ ኣርቃሱ ማሽካሉሲክ ኣነ ቴሰቶየዎ።

10 ኤሰ ባሪ ቦርኣናዎ ሆኑኒ ዎሲያኒ ቦርኣና ማሽካሉስ ሆኑሲ ሆግናኒ ማላቶ ሰና ጉፎሶን ቲትባሰታ ዲሱንዎ።

11 ዳሚሲክ ፋ ካኒሲክ ማሽካሉስ ኣርቃሱ ፎንቶኖን ኣፋ ፎና ዉዛ፤ ኣርቃሉስ ደይ ማሽካሉ ፎንቶኖን ኣፋ ፎና ዉዛ።

12 ማሽካሉስ ኣርቃሉንኪን ቤሰቴናማቶ ኣርቃሉስ ደይ ማሽካርኪንቱ ኮንቴፊዎ። ሰኑንታኖ ኣርቃሉ ሰኖ ማሽካሉ ደይ ኦማ ዉዛሰኑ ዙቴራ ቤሰቴፋናሰ ሆኑሰክጃዎ።

13 ኤሴ ንቶ ቲትንትሲክ ማጃሱ ካርኣትዎ፤ ማሽካሉ ቲትባሶን ጉፎኖይ ሆኑኒ ሺጾባሰ ሾልሱኖሶ?

14 ኣርቃሉ ሶምባሶን ድቕፋናን ሳልጺና ሰንናማቶ ቴሰቶሰ ቲትባሲክ ኣነ ኣሲፋኖሶ?

15 ሰኑንታኖ ማሽካሉሲክ ሶማ ድቕናክ ኣምቴናሰ ቲትባሶን ኡካናክ ሰንና ቦርኣ ሶምባሶን ድቕፋናን ባርክ ኡልፍንባዎ።

16 ሆን ችዋሲክ ካራካሮናክ ሾሌ ኣሰሱ ፊፋናን ኣንኖ ሰንፊኒክ ወደይ ኦማ ሆኑሲ ቤቴክርሰታኒሲክቶ ሰኑን ኤሰ ባርሰታን ኦማ ደሰቴኒ ዉዛኒ ኣፋዎ።

ዳሚሳ ሜታኡ

(ማት. 26:26-29፤ ማር. 14:22-25፤ ሉቃ. 22:14-20)

17 ሰኑንታኖ ዙቴፊት ካባሲክ ሚርኣኣኒትታኖ ማኣሪር ሰና ቤይና ቦርኣ ሆን ኣጃጂሶን ኣምፋናሰ ጋላቴፋትዎ።

18 ዙታምባሴ አሲሰታን ዜምማ እሳ ኩጳማክ ዙቴሴፌት ካባሲክ ንቶ ጋነያሲ ኦር ኦር ኬሳ ፋናማቶ ኦደቻዊ። ኤስ ኦደና ዉዛሰን ባግጋ ፋቶ ሰንናማቶ አማነፋዉቻዊ።

19 ፋቶ ሰና ባሶ ኦ ሰንነቴማቶ ኦር ኮርቴሬ አርቶሶነክ ንቶ ጋነያሲ ኦር ኦር ኬሳ ፎባሰ ግድዋ።

20 እሳሪክ ኩጲፌት ካባሲክ ማፌትሰ ዳሚሳ ሜታኡታዋ።

21 ማፌት ካባሲክ እሳይሰ ኦሚሰን ኦድኖይ ባር ባር ሜፌዋ፤ ኤስ ባርክ እሳይሰ ማክቴፊን ኦሚሰ ዛየፌዋ።

22 ሻካፎት ዲራ ሙት ኬነዋ ዲራ ኡሻት ኬነ ቱርኪትዮሶ? ወደይ ሀኦሲ ቤቴክርሰታኒኖን ካሽሺትዮሶ? ወደይ እሳ ዉዘቤሰ ፎንቶ ቱካምኒ ሜያኖን እቶሹትዮሶ? ኤሴ አዉ ንቶክ ኡናሪንሶ? ኤስ ባሪ ቦርኣ ሀን ችዋሲክ ንቶትን ጋላቶናሮሶ? እሳንነ ኣፋዋ ጋላቶና ዉዛ።

23 ዳሚሰኪን ኤጵና ባሮን ንቶክ ኣትራ እምቻዋ። ዳም የሱሰ አቴሬ እምቴና ዋላሲክ ክጣሶን ካብግሬ፤

24 ጋላትኒ ሺጶ ሺጶናኔን ኦርፎ ባትቴ፡- «ሀን ባር ንቶክ ሰንኒ አቴናሰዋ፤ ኤስ ባሮን ታን ያዳቶኒር ዛግራ ሙትዋ» ይ።

25 ኤሲሰማቶ ደይ ሜታኡሰኔን ኦርፎ ቶፎሶን ካብግሬ፡- «ሀን ቶፎሰ ሀሪንናሲክ ሰንኒ ጋድዶ ቴያሰዋ፤ ሀን ቶፎሰን ኡሽፌት ካባሲክ ኤስ ባሮን ታን ያዳቶኒር ዛግራ ኡሽትዋ» ይ።

26 ሀን ክጣሶን ማፌት ካባሲክናዋ ሀን ቶፎሰን ኡሽፌት ካባሲክና ዋንና ዋንና ዳሚሰ ዮናኔን ክቱባሶን ማኮትዋ።

27 ኤሴ ኦኑ ሙናክ ሾልሱኖይፊን ዳሚሳ ክጣኖን ሜፋናናዋ ዳሚሳ ቶፎሰን ኡሽፋናና፤ ዳሚሳ እሽነዋ ሀሪንነ አሲን ሀቴሰሲና ቦርኣ ማሙሰቴርዋ።

28 ኤስ ባሪ ቦርኣ ኣፌ አሱኑ ሀን ክጣሶን ሙባሰታንናዋ ሀን ቶፎሲን ኡሽባሰታንና ዜምሜ ቱትባሶን ቱትዋዋ።

29 ኣፌ አሱኑ ዳሚሳ አቱ አዉ ሰንናማቶ ማእሰሬ አሩኖይ ዳሚሳ ሜታኡኖን ሜፋናናዋ ዳሚሳ ቶፎሰን ኡሽፋናናና ባሳ ቱታሰታ ማቻሱኒ ካርአቱ ኤጶ ዮናዋ።

30 ንቶ ጋነያሰን ሾዋኒ ሜያ ሆፕሴቴሴዋ ሜቴሴቴሴ ደይ እሳ እሳ ሜያ ክትሴቴሰኑ ኤስ ባሪ ቦርኣዋ።

31 እንኖ ቱታሰታ ማቻሱ ካርኒ ሰንናፋናና ማቻሱኒ ካርኣሲ ሰካሎሲ ጋንዶኒ ካባታዋ።

32 ሰኑንታኖ ሀንኔን ሀን ዳሰኔን እነ ማቻሱ እኖሰታ ካቶኖይናማቶ ሀሽ ዳሚሰ ማቻሱ ካርኤ እኖትን ኬእዲፌዋ።

33 ኤስ ባሪ ቦርኣ አይታሳክቶኖ! ዳሚሳ ሜታኡኒ ሙክ ዙቴፌት ካባሲክ ንቶትና ንቶትና ዋል ኦድትዋ።

34 ዙቴፌት ዙቶስ ማቫሱ ንቶስታ ካቶናክ ዛጉኒር ሰኖይናሮን ንቶ ጋነያሰን ማክቴር ፌፋና ኬባሲክ ሀምሜ ሙዋዋ። ፋእቴ ዉዛሲክ ንቶኪ ያና ዋኖ ኦማ ሰትሪ ንቶክ እማናዋ።

12

ኮርቶ አያናስ እማንክቶ

1 አይታሳክቶኖ! ሀሽ ደይ ኮርቶ አያናኒ እማሶን አሩትማቶ ሾሌፋዉኛዋ።

2 እማንቶንት ፎንቶ ሰንና ፋቲ ካባሲክ አሩኖይት ዉዛሲክ ዘኑስቴራ ዋላ ችምኖይ ኮእሎስኪ ሀሜት ፋትር ሰንናማቶ አሪፌት።

3 ኤስ ባሪ ቦርኣ ሀኒኒ አያናክ ዘኑስቴፌት የሱሰኒን ኤርዉቶዋ ሀኒር ኦኑ ኣፌዋ። ኤሲሰማቶ ኮርቶ አያናክ ሰንና ሻካና ኦኑ «የሱሰ ዳምማዋ» ይፊር ኣፌ ሰንናማቶ ታ፤ ንቶክ ማኬፋውኛዋ።

4 ኦም ኦማ ኮርቶ አያናኒ እማ ፋርዋ። ሰኑንታኖ ኮርቶ አያናስ እሳርዋ።

5 ኦም ኦማ ሀኒኒ ዋስቶ ፋርዋ፤ ሰኑንታኖ ዳሚሰ እሳርዋ።

6 ኦማ ኦማ ዋስቶ ፋርዋ፤ ሰኑንታኖ ዙታምባሴ አሲን ዙትራ ዛግፋስ እሳ ሀኑሰዋ።

7 እሳርባ እሳርባሲክ ኮርቶ አያናሶን አምማኖን ኮቴ ማኮኒ እማ እምፋናስ ዙታምኒሴ አሲክ ኬእአናዋ።

8 ኮርቶ አያናስ እሳይሲክ ቴቶማክ ማኮኒ ችማ እማር፤ ኦሚሲክ ደይ ኤስ አያናስ አሩክ ዋሎኒ ችማ እማር።

9 ኤስ እሳ አያናስ እሳይሲክ አማንቶ እማር፤ ኦሚሲክ ደይ ፋቲኒ እማ እማር።

10 ኤሲሰማቶ እሳይሲክ ቢሰቴራ አሪቶኖይ ዉዛ ዛጉኒ ሀግና እማር፤ ኦሚሲክ ደይ ራጅ ማኮኒ ችማ እማር፤ ኦሚሲክ ደይ ኤስ እማሲክቶ ኮርቶ አያናስኪን ወደይ ኪና አያናስኪን ሰንባሶን ኮሪሬ አሩኒ ችማ እማር፤ ኤሲሰማቶ ደይ እሳይሲክ ኦማ ኦማ ኖኖክ ዋሎኒ ችማ እማር፤ ኦሚሲክ ደይ ኦማ ኦማ ኖኖክ ዋሎቴ ባሮን ኮትቴ ማኮኒ ችማ እምር።

እሳ አሱሳ አቲታ ኦማ ኦማ ብልት ፋር

11 [ሰነንታኖ ኤስ ባሮን ዙትራ ዛግፋስ ኤስ እሳ ኮርቶ አያናሰዋ። ኮርቶ አያናሰ ሾሌናማቶ አሰሱ እሳ እሳርባሲክ አማ አማ አማ አምፋ]

12 እሳ አሱስ ሾዋ አቱኒ ብልትባ ፋር። አቱሲ ብልት ሾዋ ሰንና ፋናስ ኤስ እሳ አቱሰታዋ። ኤሲሰማቶ ክርሰቶስ ሾዋ አቱኒ ብልትባ ፋና እሳ አቱንማቶዋ።

13 አይሁድ ሰንፌኒክ፤ ግሪክኒ አሰሱ ሰንፌኒክ፤ ቦዝ ሰንፌኒክ፤ ብርማዲምማ ኬሳ አሰሱ ሰንፌኒክ እንኖ ዙታምኒሴ እሳ አቱ ሰንናንክ ኮርቶ አያናሲክ ሀጹቅቴንዋ። ዙታምኒሴ ደይ ኤስ እሳ አያናሰኪን ኡሽኒዋ።

14 እሳ አቱ ዋሱሰቴናስ ሾዋ አቱኒ ብልትሰኪንታኖ እሳ አቱ ባር ባርኪን ኮእባታዋ።

15 ዋቾሰ፡- «ታ፤ ኩሹ ሰንና ሻኪና ቦርኦ አቱኒ ብልትታዋ» አያናን ኤካን፤ ኤካ ኡባሲክ አቱኒ ብልት ሰንባሰ ፌሽንሮሶ?

16 ኦዶስ ደይ፡- «ታ፤ ኣፋ ሰና ሻኪና ቦርኦ አቱኒ ብልት ኣፋ ሰንናናዉዛ» አያናን፤ ኤካን ኤስ ኤካ ኡባሲክ አቱኒ ብልት ሰንባሰ ፌሽንሮሶ?

17 እሳ አቱስ ዙቴራ ኣፋ ኣፋ ሰኒ ሰንፋናን አዉክ ኦድቶና ካባንሶ? እሳ አቱ ዙታምባሴ ኦዶ ኦዶ ሰኒ ሰንፋናን አዉክ ሳዉሰቴራ ቤሰቶና ካባንሶ?

18 ሰነንታኖ ሀሽ ሀኦስ ባር ሾሌናማቶ እሳ አቱሲ ብልት አቱሲክ ሾልሲ ድምባሰታ ኤጳ ዱናክ ዛጊዋ።

19 ዙታምባሴ እሳ ብልት ሰኒ ሰንፋናን ቱምማ አቱ አይን ቤሰቶና ካባንሶ!

20 ሰነንታኖ ሀሽ ሾዋ ብልት ፋፋናክኑ አቱስ እሳርዋ።

21 ኣፋስ ኩሹሶን፡- «ነ፤ ታክ ኣነ ሾልሰፌዌ!» ኡናክ ኣፋ ቾማናዉዛ። ቱታሰ ደይ ዋቾሶን፡- «ነ፤ ታክ ኣነ ሾልሰፌዌ!» ኡናክ ኣፋ ቾማናዉዛ፤

22 ኤስ ባርሰታን አካማኖን ሆፕያን ፋር ሰንና ቤሰቴፋ አቱሲ ብልትሲክቶኒ ኦማሰታን ደናሎኖን ሾልሱዋ።

23 ጋሮ ኡልፍንባ ፋርን ፋር ሰንና ቤሰቴፋ አቱሲ ብልትኒክቶክ አሪክሮን ኡልፍና እምኒርዋ። ብያክ ኢቹን ፋር ሰንና ቤሰቴፋ አቱሲ ብልትኒክቶክኑ አሪክሮን ኡልፍና እምማ ኦድፌኒዋ።

24 ሰነንታኖ ብያክ ኢቹኖይኒ አቱሲ ብልትኒክቶክ ኤስ ባር ዙታምባሴ ኣነ ሾልሰፋ። ሰንፋናክኑ ሀኦስ ብያክ ኢቹን ፋር ሰንና ቤሰቴፋ አቱሲ ብልትኖን አሪክሮን ኡልፍናክ ኦድቶናማቶ ዛግራቱ አቱሲ ብልትሲ ኬእዋ።

25 ኤስ ባሮን ደይ ዛግናስ አቱሲ ብልትኒ ጋነያሲ ኦር ኦር ኬሳ ፎኖይናሮን ባሬ ባሬ ዋል ሳፋሮናክዋ።

26 እሳ አቱሲ ብልት ራካቴፌን አማ አቱሲ ብልትኒክቶ ዙታምባሴ ደይ እነቱ ራካቴፋዋ። እሳ አቱሲ ብልት ኡልፍንቴፋና ካባሲክ አማ አቱሲ ብልትኒክቶ ደይ እነ ግሬፋዋ።

27 ንቶ ደይ ክርስቶስኒ አቱኒ ብልትዋ፤ እሳ እሳርኒትሰ ባሳ አቱሲ ብልትዋ።

28 ኤስ ባሪ ቦርኣ ሀኦስ አሰሱ እሳ እሳርባሰን ቤቴክርሰታኒሲ አማ አማ ዋሶቶባ ፎናማቶ ዛጊዋ። ኤስ ባርክ ዜምማ ዋሰኒ ሜያኖን፤ ሄፕሳሳታክ ራጂኒ ሜያኖን፤ ኬዝሳሰታክ አሰሲኛኒ ሜያኖን ዛግራ ታትሲዋ። ቱሰራ ደይ ቢስቴራ አሪቶኖይ ዉዛ ዛጉኒ ባሶትን፤ ቱሰራ ደይ ፋቱኒ አማ ባሶክ እምቴና ባሶትን፤ አሱኒኒ አሪጋሱኒ አማ ባሶክ እምቴና ባሶትን፤ ሀኦሱኒ ሜያኖንናዋ አማ አማ ኖኖክ ዋሉምሶኒ አሱኒ ሜያኖንና ሆሲዋ።

29 ዙታምቤሲሴ ዋሲኖሶ? ዙታምቤሲሴ ራጂኖሶ? ዙታምቤሲሴ አሰሲኛኖሶ? ዙታምባሴ ቢስቴራ አሪቶኖይ ዉዛ ዛግሴቴሮሶ?

30 ዙታምቤሲሴ አሲክ ፋቱኒ አማ ባሶኪ ፋሮሶ? ዙታምቤሲሴ አማ አማ ኖኖክ ማክሶን አሩቤስ ፋሮሶ?

31 ኤስ ባሪ ቦርኣ ዙታምባሴ አሲሰታን ደናሎ ሰና እማሲክቶኖን ደናትክ ችምማ ሾሎትዋ። ሀሽ ደይ ዙታምባሴ አሲሰታን ደናሎ ሰና ኡግናሶን ንቶክ ቤሱናዋ።

ሀሽ ደይ ዙታምባሴ አሲሰታን ደናሎ ሰንና እማሶን ቤሱናዋ።

13

ፋቶኒ ኬሽታና

1 አሱኒ ሜኒ ኖኖክናዋ ሀኦሲ ዋሰኒ ኖኖክና ዋል ሌፋናክኑ ኬሽታና ታይሲ ትሽፋናን ሾሩክቴን ሲክል ሲክልት ግልፋ ብትታ ወደይ አሽቀ ሰኒጃዋ።

2 ራጅ ማኮኒ አማ ታክ እምቴፋናናዋ እቾ ዉዛሶን ዙትራ አሪፋናና ደይ አሩ ዙቴራ ታክ ፋፋና፤ እማሶን እሳ ድምታን አማ ድምታ ዋርኣ ታምኒ እማንቶና ፋፋን ኬሽታና ታይሲ ትሽፋናና ሽማ ሰኒጃዋ።

3 ታክ ፋ ዉዛሶን ዙትራ ቱካምኒ ሜያክ ሃእፋና፤ አሽናሰኑ ፋእቶኖይናሮን ጌያክ ኪቾናክ ኣትራ እማና ኬሽታና ታይሲ ትሽፋናን ኣፋ ታክ ኬእእናዉዛ።

4 ኬሽታናስ ፋክር፤ ኬሽታናስ ማእሮን ዛግር፤ ኬሽታናስ ኮሮኒክ እነ ዛግፋ፤ ኬሽታንባ ፋና አሰሱ ባሳ ቴታሲክ እነ ቴቴፌ፤ ኬሽታንባ ፋና አሰሱ እነ ቤጋንቴፌ።

5 ኬሽታናስ ሰትርባ ፎንቶ እነ ዛግፋ፤ ኬሽታንባ ፋና አሰሱ ባርክ ኬእኒ ባር ባሮን እነ ሾሌፌ፤ ኬሽታንባ ፋና አሰሱ እነ ሃሬፌ፤ ኬሽታንባ ፋና አሰሱ ሚርእአሜፌናክኑ ሚርእአምባሶን እነ ፋድፌ።

6 ኬሽታንባ ፋና አሰሱ ፉቶ ሰንና ወዛሰታቱ ግሬፌቴና ፉቶ ሰናይ ወዛሲክ እነ ግሬፌ።

7 ኬሽታንባ ፋና አሰሱ ዙታምባሴ አሲን ችማር፤ ዙታምባሴ አሲክ እማነር፤ ዙታምባሴ አሲን አብድ ዛግር፤ ዙታምባሴ አሲክ ዛግሬ የሬር።

8 ኬሽታምባ ፋና አሰሱ ኣጌነ ኣጌነ እነ ጋንደፌ፤ ራጅ ማኮኒ እማሰ ኣታር፤ ኦማ ኦማ ኖኖክ ዋሎኒ ችማሰ ኣታር፤ አሩሰኑ ሰንፋናነ ኣታር።

9 አሪፌኒ ባር ሰኑን ራጅ ማኬፌኒ ባር ባጋዋ።

10 ሰኑንታኖ ፉቶ እሳ ኤሽባ ፎንቶ ወዛሰ ያፋና ካባሲክ ባግቶ ሰና ባር ፌሻናዋ።

11 ዳጋ ናዋ ሰንና ፋና ካባሲክ ዳጋ ናኒማቶ ዋል ሌት ፋናር፤ ደይ ዳጋ ናኒማቶ ባፋሬት ፋናር፤ ዳጋ ናኒማቶ ቱእኒት ፋናር፤ ሰኑንታኖ ጋይማ አሰሱ ሰንፋና ካባሲክ ዳጋ ናኒ እማላናሶን ቤይቻዋ።

12 ሀሽ እንካሊሲ ቢፌንሰማቶ ጣቃጣቃሰቱ ቢድፊንዋ። ሰኑንታኖ ኤሰ ካባሲክ እምማኖን ብያንዋ። ሀሽ አሪፋናሰ ባግጋዋ፤ ሰኑንታኖ ኤሰ ካባሲክ ሀኦሰ ታን አሪፋናሰነ ፋሮን ቱማ አሩና ፎናዋ።

13 ኤሴ እማንቶ፤ አብድ፤ ኬሽታናስ ኬዘባሴ ዛግራ ፎናዋ፤ ሰኑንታኖ ሀን ባርኪቶኒ ጋንያሰን አርኪሰ ኬሽታናሰዋ።

14

ኦማ ኦማ ኖኖክ ዋሎን እማሲክቶ

1 ኤሴ ኬሽታናሲክ ዙኑሰቶትዋ፤ ኮርቶ አያናሰ እማኖን አሪክሮን ራጅኒ ማኮሰ እማኖን ማእሰራ ሾሎት።

2 ኦማ ኦማ ኖኖክ ዋል ሌፌ ባር ሀኦሲክታኖ አሱኒክ እነ ማኬፌ። ኣቶ ሰንና ችዋሶን ኮርቶ አያናሰ ሁግናክ ማክቴፋና ቦርእ ኤሰ ማክቴ ካማሶን አሪፌር ኣፌ።

3 ስነታኛ ራጂሶን ማኬፌ ባር አሚሰን ዬቱክ፡ ዛጉክናዎ ቸኑክና አሱኒ ሜያክ ማኬፌ።

4 እማ እማ ኖኖክ ዋል ሌፌ አሱሰ ባሳ ቲታሶንቱ ዛግፌ፤ ስነታኛ ራጅ ማኬፌ ባር ክርሰታናን ሜኒ ማባራሶንቱ ዛግፌ።

5 ዙታምንትሴ እማ እማ ኖኖክ ዋል ሌፋትነ ሹናና ካባዋ። ስነታኛ ኤሰ ባርሰታን ማእሰራ ሹናናሰ ራጂሶን ማኬፋትነዋ። ክርሰታናኒ ሜኒ ማባራሰ ዛጉናክ እማ እማ ኖኖክ ዋል ሌፌ አሱሳ ዋላኖን ኮትቱ ማኮኒ አሰሱ ትሸፋናነ ራጅ ማኬፌ ባር ደናሎዋ።

6 ኤሴ አይኒ ሜያነ! ንቶኪ ያፋና ካባሲክ እማ እማ ኖኖክ ማኬት ያፋናነ አዉ ንቶክ ኬእነሪንሶ? ኤሰ ባርሰታን ንቶክ ኬእኒሰ ሀኦሲ አቾ ቾዋኖን አምማኖን ክሰፊ ማኮሶን፡ አሩሶን፡ ራጅኒ ማኮሶን፡ አሱሶን ኤጶ ያፋናነዋ።

7 ኡሉሌኒማቶናዎ ካማኒማቶና ፋሴ ካባ ፎንቶ ሱሩኒ ኮዳሲክቶኑ እማ እማ ግልኒ ካማ አማናክ ማእሰቱራ ዱሰቶ ሻካናነ እምፋና ቲቾኒ ካማ አዉ ሰንናማቶ አካክ አርቶኒሪንሶ?

8 ቱቱሩሰ አርቶናይ ካማክ ፋግቱፋናነ ኔቦክ ኦንሶ ሆሮንሪ?

9 ኤሴሰማቶ ጋድዶ ኖኖክ ዋል ሌፊት ካባሲክ አምማ ሰና ካማክ ማኮ ሻካትነ ዋል ሌፊት ባሮን ኦ አሩክ ቸምንሪንሶ? ሰሩሲክ ማኬፍፊትሪነ ፋርቱ ሰንናትዋ።

10 ኤሴ ሀን ዳሰታክ ሾዎ ቲሳ ኖኖ ፋርዋ፤ ኮትባ ፎንቶ ኖኖ ደይ አፋዋ።

11 ኤሴ ታ፤ ዋሉምቲፋ ዋላሲ ኮታኖን አሩኖይናር ሰንፋናነ ዋል ሌፌ አሱሲክ እርባቱ ሰንናናዋ፤ ባር ደይ ታክ እርባቱ ሰንናናዋ።

12 ንቶ ደይ ኮርቶ አያናሲ እማኒክቶኖን አካማኖን ሾሌት ፋትር ሰንና ቦርእ አሪክሮን ሾሎትክ ሾልሰንናሰ ቤትክርሰታኒሶን ዛግፋ እማሲክቶ ሾዋናክዋ።

13 ኤሰ ባሪ ቦርእ እማ እማ ኖኖክ ዋል ሌፌ አሰሱ ኮትቱ ማኮኒ ቸምባ ፎናክ ሺጶዎዋ።

14 ታ፤ እማ እማ ኖኖክ ሺጶፋናነ አያናሲቱ ሺጶፋርታኖ ካኑናሰ ጋንባ ፎንቶዋ።

15 ኤካ አዉ ዛጉናክ ሾልሰፋሶ? አያናሲክ ሺጶና፤ ካኑናሲክ ደይ ሺጶናዋ፤ ደይ አያናሲክ ጋማ ጋሜናርዋ፤ ካኑናሲክ ደይ ጋማ ጋሜናርዋ።

16 ኤካ ሰና ሻካናነ ነ አያናክ ሀኦሶን ጋላቲፋታ ካባሲክ ነ፤ ማኬፋታ ባሮን አሩኖይ እርባ አሰሱ ጋላትኒ ሺጶኔሲክ፡ «አሚን» ኡክ አካክ ቸምንሪንሶ?

17 ፋቶሲክ ነ፤ ሺጴታ ጋላትኒ ሺጴስ ማከሪክዋ። ሰነጋታኖ ኦም አሱሰን ኣፋ ዛግጉናዉዛ

18 ታ፤ ንቶ ዙታምኒትሴ አሲሰታን ደናሎኖን ኦማ ኦማ ኖኖክ ዋል ሌፋና ቦርኣ ሀኦናሶን ጋላቴፋዉኛዋ።

19 ሰነጋታኖ ኦማ ኦማ ኖኖክ ሾዎ ካማክ ፋድቶኒ ካማ ማኮናሰኔን ኦም ሜያኖን አሱክዋ እያት ቤቴክርሰታኒሲክ ኡቕ ካማ አርቶ ኖኖክ ካኑናሲክ ማኮናክቱ ሾሌፋዉኛዋ።

20 አይታሳክቶኖ! ማኛ ዉዛሲክ ዳጋ ናንጎታ ሰንትታኖ ሳፋራንትሲክ ዳጋ ናንጎትኒማቶ ሰንናቲታዋ። ኤሰ ባሮን ሻካት ሳፋራንትሲክ አሩ ሰንትዋ።

21 ኤሲሰ ደይ፡-

« ሱማ ኦማ ኖኖክ ዋል ሌፌ አሱኒ ሜናዋ፤

አላጋ አሱኒ ሜኒ ኖኖክና፤

ሀን ዳራሲክ ማኬፋውኛዋ፤

ኤሰ ባርኑ ሰንፋናክ ኣፋ ታን ኦዶሶን ዉዛ፣

ይፋዋ ዳማ ሀኦስ»

ይሰቴራ ቱማሰሲ ትቼዋ።

22 ኤሰ ባሪ ቦርኣ ኦማ ኦማ ኖኖክ ዋላሲ ማላቶ ሰንናሰ አማኖኖይ አሱኒ ሜያክታኖ አማነሴፌ አሱኒ ሜያክታዋ። ሰነጋታኖ ራጅኒ ካማ ማኮስ ማላቶ ሰንናሰ አማነሴፌ አሱኒ ሜያክታኖ አማኖኖይ አሱኒ ሜያክታዋ።

23 ኤሴ ቤቴክርሰታኒን አማኝኒ ሜያ ዙቴሴፌ ካባሲክ እሳ እሳርቤሲሰ ኦማ ኦማ ኖኖክ ዋል ሌሴፋቴነናዋ አሩኖር ወደይ አማኖኖይ አሱኒ ሜያ ዬሴፋቴነና ኤሰ ማክሴፌ ባሶትን፡- «ሀን አሱኒ ሜያ ንፋሴሴቴዋ» ኣፋኖሶ ኡሶነዉዛይ?

24 ሰነጋታኖ ዙቴሪ ራጅኒ ካማ ማኬፋናናዋ አማኖኖር ወደይ አሩኖይ አሱ ዬፋናና ኦደና ካማ ዙታምባሴ አሲክ ዋቃሰቴርዋ። ኤሲሰማቶ ደይ ኦደና ካማ ዙታምባሴ አሲክ ማቓሱ ባሳሰታ ካቴርዋ።

25 ንብባሲ ኣቸራ ፋ ዉዛሰ ደይ አምማኖን ኬሰሳ ቤሰቴርዋ፤ ሰንባሲክ ደይ ጋንደፊ፡- «ፋቶሲክ ሀኦስ ባሶ ጋንያሰዋ!» ይት ሀኦሲክ ሳጋዶናዋ።

ማባራክ ሺጴኒ ካባሲክ ፎናክ ሾልሰ ሰትሪ

26 አይኒ ሜያን! ኤሴ አዉ ዛጉኒክ ሾልሰፋሶ? ሺጴክ ዙቴሴፌት ካባሲክ ንቶሰን እሳይሲክ ጋማ ፋር፤ እሳይሲክ አሰሱ ፋር፤ እሳይሲክ ኣቸ ሰና ዉዛሶን አምማኖን ክሲፊ ቤሱ ፋር፤ እሳይሲክ ኦማ ኦማ ኖኖክ ዋሎ ፋር፤ እሳይሲክ ማክቴ ባሮን

ኮትቴ ማኮ ፋር። ኤስ እማስ ዙቴራ ክርስታናኒ ሜያኖን ዛግጉኒር ሰናናክ ሾልሱዋ።

27 እማ እማ ኖኖክ ማኮኒ አሱኒ ሜያ ፌሴፋቴነ ሄፕ ወደይ አሪክፋናነ ኬዝ ሰንነ ታራ ታራ ማክሶቶ። ባሶ ማክሴቴ ባሮን ኦም አሰሱ ኮትቴ ማኮዋ።

28 ሰኑንታኖ ኮትቴ ማኮኒ አሱ ትሸፋናነ እማ እማ ኖኖክ ማኬሴፌ ባሶ ዙቶኒ ድማሰታክ ሻኩሶቶ። ባሶ ቴታሲክናዋ ሀኦሲክና ኮእባ ማክሶቶ።

29 ራጂኒ ሜያ ሄፕ ወደይ ኬዝ ሰንነሬ ማክሶቶ፤ ኦሚስ ደይ ማክቴ ባሮን አደሴሬ ማእሰሬ ማዛንሶቶ።

30 ዙቶሰታ ዲሴ ኦም አሱ እሳ ዉዛ ቤስቴፋናነ ቴሱኒ ማኬት ፌ ባር ሻኩዋ።

31 እሳ እሳርባስ አሩናክናዋ ዛጉናክና ዙታምኒትሴ ታራ ታራ ሀኦሲ ዋሲያኖን ማኮ ችማትዋ።

32 ራጂኒ ሜኒ ራጂኒ አያናስ ራጂኒ ሜያክ አጃጃሚርዋ።

33 ሀኦኒ ዳራ ሰና ቤቴክርስታኒሲክቶ ዙታምባሴ አሲስ ዛግቴፋናይሰማቶ ሀኦስ ናጋኒ ሀኦታኖ ሳሰኒ ሀኦታዋ።

34 ማሸካ ሜያ ሀኦ ሺጾክ ዙቶኒ ካባሲክ ሻኩሶቶ። ቱማስ ባሶትን አጃጃፋናይሰማቶ አጃጃሞሶነክታኖ ማክሶነክ እነ አጃጃዋዋ።

35 እሳ እሳ ዉዛ አሩክ ሾልሴፋቴነ ኬቤሲሲክ ቴንቤሲሰን ማሙሶቶ፤ ሺጾኒ ዙቶሰታክ ማሸካሱ ዋል ሌፋናነ ኢቹዋ።

36 ሻካፎት ሀኦሲ ካማ ንቶኪንኖሶ? ወደይ ሀኦሲ ካማ ያራ ካርእናስ ንቶ ንቶክኖሶ?

37 ታ፤ ራጂዋ ወደይ አያናኒ እማ ታይሲ ፋርዋ ይፌ አሱ ፌፋናነ ሀን ትቶናስ ዳሚሳ አጃጅ ሰንባሶን አሩዋዋ።

38 ኤስ ባሮን አሩኖር ፌፋናነ ባር ደይ እነ አርቴፌዋ።

39 ኤስ ባሪ ቦርኦ አይኒ ሜያነ! ራጅኒ ማኮሶን ማእሰራ ሾሎትዋ፤ ኦማ ኦማ ኖኖክ ዋላሶን ደይ ካላቴታ።

40 ሰኑንታኖ ዙታምባሴ ሾልሲናማቶናዋ ሰትሪክና ሰኑን።

15

ክርስቶስኒ ክቱን ካቡ

1 ሀሽ ደይ አይኒ ሜያነ! አሲና ሞስራቹኒ ካማሶን ያዳሱናክ ሾሌፋዉቶ፤ ኤስ ሞስራቹኒ ካማስ ደይ ንቶ ኤጳ ታሴት ባሬዋ ዛግራ ዬርሴት ባሬዋ።

2 ታ፤ ንቶትን አሲና ምስራቹኒ ካማሶን ማእሰራ ኤጳትነ ባርክቱ ፋሩትዋ፤ ኤካ ሰና ሻካናነ አማንቶኒትሰ ሸማሲክ ሲናርዋ።

3 ታ፤ ኤጳታና ቴሱኒ ጌፋሰታ ፋ ባሮን ንቶክ አትቻዋ፤ ታ፤ ንቶክ አትና ዉዛሰ ኮርቶ ማፃፋሰሲ ትቼናሰማቶ ክርሰቶሰ እንኖ ቦርኢሲክ ክት፤

4 ካባርቲ፤ ኮርቶ ማፃፋሰሲ ትቼናሰማቶ ኬዝሰንናሪ ዎኖ ክቱን ካብ ይፋርዋ።

5 ባር ጴጥሮስኒክ ቤሰቴ፤ ኦርፎ ደይ አሲሬ ሄፕ ዎሰኒ ሜያክ ቤሰቴ።

6 ኡቕ ትያሰታን ደናሎ ሰና ባሳ ዞንሲሲክ እሳርጋ ቤሰቴ፤ ባሶሰን ሾዎቤሲሰ ሀሽ ሀውቕ ካርኤ ካክ ፌሴቴርዋ። ሰኑንታኖ እሳ እሳይሰ ደይ ክትሴቴዋ።

7 ኤሴን ኦርፎ ያቆብኒክ ቤሰቴ፤ ዎሰኒ ሜያ ዙታምቤሲሴ አሲክ ቤሰቴ።

8 ኮእአሲታክ ናሱነ ፊር ሰና ታክ ደይ ቤሰቴ።

9 ታ፤ ሀኦሲ ቤቴክርሰታኒኖን ቤትራ ትሽኪት ፋናር ሰንና ቦርኢ ዎሰኒ ሜያ ዙታምቤሲሴ አሲሰን ሀቴር ደይ ዎሲ ይሰቴራ ቴግቶናክ ሾልሱኖይናርዋ።

10 ሰኑንታኖ ታ፤ ሀሽ ሰንና ባሮን ሰንናሰ ሀኦሲ ኦትማክዋ። ታክ እምቴ ኦትማሰ ጋንባ ፎንቶኖን እነ ፋእቶዋ። ኤሰ ባሪሰታን ኦትታ ኦሚኒ ሜያሰታን አርክሮን ዎሰቶክ ሆፕን። ሰኑንታኖ ኤሰ ባሮን ዛግሰ ታኔን እነ ፋ ሀኦሲ ኦትማታኖ ታቴዋ።

11 ኤሴ ታ፤ ሰንፋናክ ወደይ ባሶ ሰንነፊክ አሲፊኒሰ ኤሰ ባሮቻዋ፤ ንቶ ደይ አማነቲሰ ኤሰ ባሮቻዋ።

ክቱኒ ሜኒ ክቱን ካቡ

12 ሰኑንታኖ ክርሰቶሰ ክቱን ካብናማቶ ማኬኒ ሰንፋናነ ንቶሰን እሳ እሳ ሜያ ክቱን ካቡ አፋዋ እካክ ይሴፊሶ?

13 ክቱን ካቡ ትሽፋናነ ክርሰቶሰ ክቱን እነ ካቡዌ ኡዋ።

14 ክርሰቶሰ ክቱን ካቡ ሻካናነ እንኖ አሰሱሰ ሰኑን ንቶ አማንቶሰ ሸማሲክ ሰንባዋ።

15 ደይ ሀኦሰ ክርሰቶሰኒን ክቱን ካብቻዋ ይሬ አሰሱኒሲክ ኤሽኛ ሀኦኒ ዛል ሰንኒ ኡዋ። ኤሴ ክት እሱኒ ሜያ ክቱን ካቡ ሻክሴፋቴነ ሀኦሰ ክርሰቶሰኒን ደይ ክቱን እነ ካብጉዋ ኡዋ።

16 ክት እሱኒ ሜያ ክቱን ካቡ ሻክሴፋቴነ ክርሰቶሰ ክቱን እነ ካቡዌዋ ኡዋ።

17 ክርስቶስ ክቱን እነ ካቡዌ ሰንፋናና አማንቶኒትስ ሸማሲክዋ ኡዋ። ንቶ ደይ ሀሽኑ ቦርኣስቱ ፋሴት ኡዋ።

18 ክርስቶስኒክ አማነሬ ክት ባሶ ትሸሴቴዋ ኡዋ።

19 ክርስቶስኒክ ኡብድ ዛግፌኒሰ ሀን ዳሰታኪ ካክ ኮእባ ሰንፋናና እሱ ዙታምባሴ አሲሰን ኦርክሮን እኖክ ሱሞኒ አሰሱ ሰንናኒርዋ።

20 ሰኑንታኖ ክርስቶስ ክት ባሶክ ክቱን ካቡኒ ኡዛ ሰንነ ፋቶክ ክቱን ካብዋ።

21 ክቱ ያናሰ እሳ እሱኒኪ ካሞ ሰንናማቶ ክቱን ካቡሰ ደይ እሳ እሱኒኪ ካሞ ሰኒዋ።

22 አዳምኒ ቦርኣ እሱ ዙታምባሴ ክትፊናማቶ ደይ ክርስቶስኒ ቦርኣ አሰሱ ዙታምባሴ ካ ዳናናዋ።

23 ሰኑንታኖ ኤሰ ባር ደይ ሰንናናሰ እሳርባ እሳርባሰ ታራባሲክዋ። ክርስቶስ ክቱን ካቡባሲክ ኡዛዋ። ሀንኔን ደይ ክርስቶስ ዬፊና ካባሲክ ባሳር ሰና ባሶ ደይ ክቱኒን ካብሶንርዋ።

24 ቱሰሬ ደይ ባር ሀእሱሶንናዋ ሀእሱኒ ሁግናሶንና ደይ ግዶሶን ዙትሬ ትሸካት ታቶሶን አባ ሀኦሲክ እምፊና ካባሲክ ሀን ዳሰ ኮኣ ሰንናናዋ።

25 ሀኦሰ ጉማባሰን ዙትራ ሀእሱባሲ ሰካሎሲ ዛጉና ካባኔን ክርስቶስ ታትቶናክ ሾልሱዋ።

26 ሜርቴራ ኮእባሰታክ ትሹኒሰ ጉማኒ ሰና ክቱሰዋ።

27 «ሀኦሲ ዙታምባሴ አሲን ሀእሱባሲ ሰካሎሲ ዛግዋ» ይፋር ትቼዋ። ሰኑንታኖ፡- «ዙታምባሴ ሀእሱባሲ ሰካሎሲ ዛግ» ኡሰ ዙታምባሴ አሰን ሀእሱባሲ ሰካሎሲ ዛግ አባ ሀኦሶን እነ ዳይሰፋዋ።

28 ዉዛ ዙታምባሴ ክርስቶስኒ ሀእሱኒ ሰካሎሲ ሰንናኔን ኦርፎ አባ ሀኦሰ ዙትራ ዙታምባሴ አሲሰታ ሰናናክ ናሰ ቴትባሲክ ዙታምባሴ አሲን ሀእሱባሲ ሰካሎሲ ዛግ አባ ሀኦሲ ሀእሱኒ ሰካሎሲ ሰንናናዋ።

29 ኤሴ ክት አሱኒ ሜያ ክቱን ካብሶ ሻክሶንር ሰንፋናና ክት አሱኒ ሜኒ ሻዋሲክ ሀጹቅቴሴፌ ባሶ ዙቴሬ ቡእቤሲሰ አምባንሶ? ክት አሱኒ ሜያ እሳንነ ኣፋ ክቱን ካብሶን ዉዛ ሰንፋናና አሱኒ ሜያ ባሶ ኤዴ አዉኒርን ሀጹቅቴሴፌሶ?

30 እንኖኑ ሰንፌኒክ ሳኦት ሳኦትሲክ አዳጋታ ካቱኒ ዉዛክ አቴራ ኦድቴት ፋኒሰ አዉኒ ቦርኣንሶ?

31 አይኒ ሜያነ! ታክ ዎንና ዎንና ክቱ ኡጸርዋ፤ ሀን ባሮን ንቶክ ማኬፋናሰ ዳምኒ የሱሰ ክርስቶስኒኪ ካሞ ንቶሰታ ፋ ቴቶናሰ ፋቶ ሰንና ቦርኣዋ።

32 አሱሲ ሳፋራስማቶ ታ፤ ኤፌሶኑክ ጎቼሰኔን እነ ካቦናስ ታክ ኬእናስ አምባንሶ? ክቱኒ ሜያ ክቱኒ ካቡ ሻክሶነር ሰንነፋቱነ፡- «ዎኖ ክቱኒር ሰንና ቦርአ ሀን ያኒ ሙኒ፤ ኡሽኒ» ይሰቴናይስማቶ ሰንኒርዋ።

33 ኤሽቶትታዋ፤ «ማኡ ዘመሰ ማእ አማላሶን ማቻሰርዋ»

34 ሀቺ ንብንትሲክ ዎሉትዋ፤ ቦርአሶን ደይ ዎስቶትታዋ፤ ንቶ ጋነያሲ እሳ እሳ ሜያ ሀኦሶን አሩኖር ፌሴቴርዋ። ሀን ባሮን ኤካ ይፋናስ ንቶ ኢቾሶትክዋ።

ክቱን ካብ አቱ

35 ሰኑንታኖ እሳ አሱ፡- «ክት አሱኒ ሜያ ካብሶኔስ አካኪንሶ? ክቱን ካብሴፌ ካብሲክ ፎኒ አቱቤሲስ አውነ ፋሪንሶ?» ይፊ ማምሱና ሰንናናዋ፡-

36 ነ፤ ጎዋ! ቡክታ ሜያሰ ክቱ ሻካናን ካባ አፋ ፎና ዉዛ።

37 ነ፤ ቡክፋታ ካባሲክ አካክልትሶን እነ ቶኬዋ፤ ሰኑንታኖ ዛላስ አዉዛክነ ዛጎ ወደይ ኦማ ዉዛ ሰናናክ ቾማናዋ።

38 ሰኑንታኖ ሀኦሲ ሾሌናማቶ ዛላሲክ አቱባ እምፋዋ። ዛላስ እሳ እሳርባሲክ ኦማ ኦማ አቱ እምፋዋ።

39 አሻ ዙቴራ እሳ ቴሳታዋ፤ አሱኒ አሻስ እሳ ቴሳዋ፤ ካባሬ የሬ ዋጋሲ አሻ ደይ ኦማ ቴሳዋ፤ ካሳሲክቶኒ አሻ ኦማ ቴሳዋ፤ ኩርጡሚሲ አሻ ደይ ኦማ ቴሳዋ።

40 ኤሲስማቶ ደይ ሳማኪ አቱ ፋር፤ ሀን ዳሰታኪ አቱ ደይ ፋርዋ። ሰኑንታኖ ሳማኪ አቱሲ ኡልፍና እሳ ቴሳዋ፤ ሀን ዳሰታኪ አቱሲ ኡልፍና ደይ ኦማ ቴሳዋ።

41 አዋሲ ኡልፍና እሳ ቴሳ፤ አሳሲ ኡልፍና ደይ ኦማ ቴሳውኣ፤ ባኩራስ ኡልፍና ደይ ኦማ ቴሳ፤ እሳ ባኩራስ ኦማ ባኩራስታን ኦማ ኡልፍንባ ፋርዋ።

42 ክቱን ካቡኒ አሱኒ ሜኒ ቾዋሰ ሀን ባርነ ፋርዋ። ኩፕኒ አቱቱ ቡክቴፋርዋ፤ ኩፓ ትሹኖር ሀየዋ አቱቱ ሰንና ካቡናዋ።

43 ሳልጲናክ ቡክቴ ባር ኡልፍናክቱ ካቡናዋ፤ ሆፕያ ሰንና ቡክቴ ባር ሆፕናባሬ የሬር ሰንናቱ ካቡናዋ።

44 አሽኒ አቱ ሰንና ቡክቴ ባር አያናኒ አቱ ሰንናቱ ካቡናዋ። አሽኒ አቱ ፋናኔን አያናኒ አቱ ደይ ፋርዋ።

45 ኤሰ ባሪ ቦርኣ፡- «ቴሱኒ እሱ አዳም ሀየዉ ቴሰቶ ሰኒዋ» ይሰቴራ ትቼዋ። ሰኑንታኖ ኮእኒ አዳም ሰንና ክርሰቶስ ደይ ካ እምኒ አያና ሰኒዋ።

46 ሰኑንታኖ ቴሱሰታ የይሰ አሻ ማዮቴኖ አያናኒሰቴዋ። አያናኒሰ ዬናስ አሻ ማዮሰኔን ኦርፎዋ።

47 ቴሱኒ አሱስ ቴስቴናስ ሆነ ዳስክር ሰንና ቦርአ ሆነ ዳስታኪርዋ፤ ሄፕሳኒ አሱ ዬናስ ሳማቻዋ።

48 ሆነ ዳስታኪር ሰንና ባሶ ሆነ ዳስታኪ ቴስቴ ባሳይሲማቶዋ። ሳማን ሰንና ባሶ ሳማን የ ባሳይሲማቶዋ።

49 ሆነ ዳስታኪ አሱሳ ግቶን ፊር ሰንማቶ ደይ ሳማኪ አሱሳ ግቶን ፊር ሰንናኒርዋ።

50 አይኒ ሜያነ! ታ፤ ንቶክ ማኬፋናስ ሀኒሰዋ፤ አሻሴዋ ሆናሴ ሀኒሲ ታቶኖን አፋ ኤጳቶና ወዛ። ኤሲሰማቶ ደይ ክቱኒ አቱስ ክቱኖይ ሀየዋ አቱሶን አፋ ኤጳቶና ወዛ።

51 ኤሴ አሳ አቸ ወዛ ንቶክ ማኮናዋ፤ እንኖ ዙታምኒሴ አፋዋ ክቱኒ ወዛ፤ ሰኮንታኖ ዙታምኒሴ ሶልቶኒርዋ።

52 ሶልቶኒሰ ደይ ኮአኒ ቱቱሩስ ፋግቴፋና ካባሲክ አፍኒ ዋልጋት ይፕግፊሰን ፋሮን እሳርጋክዋ። ቱቱሩስ ፋግቶና፤ ክት አሱኒ ሜያ ደይ ክቱኖር ሀየወ ሰንነሬ ክቱኒ ካብሶነ፤ እንኖ ደይ ሶልቶኒ።

53 ሆነ ኩፕን ባር ኩፕኖይሶን ሆነ ክቱኒ ባር ክቱኖይሶን ማያናክ ሾልሱዋ።

54 ኤስ ኩፕኒ ባር ኩፕኖይሶን ሆነ ክቱኒ ባር ክቱኖይሶን ማይፋና ካባሲክ፡- «ክቱስ ትሺ ደይ ሜርቴ!» ይሰቴራ ትቼ ባር ኮኡናዋ።

55 ኤሲሰማቶ ደይ፡-
«ክቱሴ! ሜሬሬ ካቡኔስ አይፋሴ?

ክቱሴ! አሱኒ ሚርኤፋታ
ሀግናኔስ አይፋሴ?» ይሰቴዋ።

56 ክቱሲ ኬጅኒ ሀግናስ ቦርአስዋ፤ ቦርአሲ ሀግና ደይ ቱማሰዋ።

57 ሰኮንታኖ ዳምኒ የሱስ ክርስቶስኒኪ ካሞ ሜርኒክ ዛግፋ ሀኒሲክ ጋላታ ሰንፋውቻዋ።

58 ኤስ ባሪ ቦርአ ሹንቶ አይታሳክቶኖ! ዛግራ የሮትዋ፤ እሳ ወዛክኑ ሰንፋናን ሾርኮትታዋ፤ ዳሚሳ ዋስቶክ ሆፕፊት ባር ሽማሲክ ሰና ቤይባሶን አሪራ ዬቱኖይ ዋንና ዋንና ዳሚሳ ዋስቶኖን ዋስቶክ ችሞትዋ።

16

የሩሳሌሙክ አማኝኒ ሜያክ ዙቴ ዋግኒ አሪጋሱ

1 አማኝኒክ ዛግቴፋ ዋግኒ ክሱኒ ችዋሲክ ጋላትያኒ ቤቴክርሰታኒሲክቶክ አጃጀናሰማቶ ንቶ ደይ ኤካ ዛጉትዋ።

2 ታ፤ ያፋና ካባሲክ ዋግኒ ክሱ ዛግቶኖይናማቶ ጉዳ ጉዳሲ ዋኖ ንቶ ጋነያሰን እሳ እሳርባሲክ ዳንፌና ዋጋሰታን ክሰሬ ኦር ኩንሱዋዋ።

3 ታ፤ ንቶኪ ያፋና ካባሲክ ንቶ ኮሪራ እሜቲ እሱኒ ሜያ ክሰሴቲ ዋጋሰን ኤጼ የሩሳሌም ሀሞነክ ገጌሱኒ ትቻኔን እነ ዋሱናዋ።

4 ሾልሲፋናነ ታ፤ ደይ ባሶኔን ሀማና፤ ባሶ ደይ ታኔን እነ ሀማክ ችሞነ።

ጳውሎስኒ ኮፖሲክቶ

5 ሜቀዶንያ ካሞ ሀማናክ ኮፓኤና ቦርኣ ኤሰታ ካሞ ኣትፋና ካባሲክ ንቶኪ ዮናዋ።

6 ሀማና ድማ ኣፋሪሰኑ ኡጉናሲክ ሰንኒ እሪጋሱ ታክ ዛጉትክ እዉዛክነ ንቶኪ ኤሰታ ጋሮ ዋና ፎና ሰናና፤ እዉዛክነ ደይ ዬሹሶን ንቶኔን እነ ኣቱና ሰናናዋ።

7 ሀሽ ኤሰታ ካሞ ኣትፋና ካባሲክ ንቶትን ብያናክ እነ ሾሎትዋ፤ ዳሚሳ ፍቃድ ሰንፋናነ ጋሮኖን ድቻ ዋና ንቶኔን እነ ፎናማቶ ኣብድ ዛግፋዉቛዋ።

8 ሰኑንታኖ ፐንጠኮሰቲኒ ሂቦሰ ካርእናኔን ኤፌሶኑክቱ ፎናዋ።

9 ሾዋ ዋሰቶኒ ኡግና ታክ ጋችቹ፤ ሰኑንታኖ ቱጋእኤፌ ሜያ ሾዋዋ።

10 ትሞትዮሰ ንቶኪ ዬፌና ካባሲክ ድጋባ ፎንቶኖን ንቶኔን እነ ፎናክ ባሪን እሪጋሱት። ባር ደይ ታይሲማቶ ዳሚሳ ዋሰቶኖንቱ ዋሰቱፌዋ።

11 ኤሰ ባሪ ቦርኣ ኦኑ ባሪን ካሹኖይናማቶ ባር አይኒ ሜያኔን እነ ታኪ ዋል ሌ ዮናክ ኦደት ፋናር ሰንና ቦርኣ ታኪ ናጋክ ዋል ሌ ዮናክ ኡጉንባሲክ ሾልሲ ባሮን ባሪክ እሪጋሱትዋ።

12 አይኒ ሰንና እጽሎሰ ኦሞ አይኒ ሜያኔን እነ ንቶትን ዬሴሬ ብዮሶነክ ማእሰራ ሺጼራ ፋናርዋ። ሰኑንታኖ ባር ሀሽ ንቶኪ ዮክ ኣኔ ሾሎዌዋ፤ ባርክ ማእና ዋኖ ዮናዋ።

ኮእኒ ኪቶነዋ ናጋኒ ኦሽሾነ

13 ጉዙት፤ አማንቶክ ዛግራ የሮት፤ ችሞት፤ ዛጉት።

14 ዛግፌት ባሮን ዙትራ ኬሽታናክ ዛጉት።

15 አይኒ ሜያነ! እሰጥፋኖሰኒ ኬርኪ ሜያ አካያኒ ዳሰታኪ ቲሱኒ አማኝኒ ሜያ ሰንነቲማቶናዋ አማኝኒ ሜያኖን ዋሰቶክ ቲትቤሲሶን ኣትሬ እሜቲማቶና አሪሴዲፌትዋ።

16 ኤስ ኤፍፌቴና አሱኒ ሜያክናዋ ባሶንን እነ ዋሰቶክ ሆፕት ፌሴፌ ባሶ ዙታምቤሲሴ አሲክና አጃጃሞሶትክ ማእሰራ ያዳሲፋዉቻዋ።

17 እስጥፋኖሲክናዋ ፊርዶናጥሰንክና ደይ አካይቆሰንና ባሶ ታኪ ዮስ ታን ግርሲዋ። ንቶ ታኔን እነ ኡጶ ሻኩንትሲክ ባሶ ንቶ ኤድደ ታክ ዮእ ባሮን ቱኒሴቴዋ።

18 ባሶናዋ ታናዋ ንቶትና አሲ አያናሲክ ቤይሳ እሜቴ። ኤስ ባሪ ቦርኣ ኤስ ባሶን ፌ አሱኒ ሜያ ኡልፍንቶሶንክ ሾልሰፋዋ።

19 ኢሰያክ ፋ ቤቴክርሰታኒሲክቶ ናጋ ንቶክ ኦሽሼሴቴዋ። አቀላነዋ ፕርሰቅላነ፤ ደይ ኬቤሲሰ ዙቴሴፌ ክርሰታናኒ ሜያ ደይ ዙቴሬ ንቤሲሰን ካብ ናጋ ንቶክ ዳሚሳ ሱናክ ኦሽሼሴቴውኣ።

20 ሀንታክ ፌሴ ክርሰታናኒ ሜያ ዙቴሬ ንቶክ ናጋ ኦሽሼሴቴዋ፤ ኮርቶ ዳሞክ ናጋ ዋል ኦሽሾሶትዋ።

21 ታ ጳዉሎስ ሀን ናጋኒ ትቻሶን ኩሹናሲክቱ ትቻቻዋ።

22 ዳሚሰን ሹኖር ፌፋናነ ኤርዉቴር ሰኖዋ! ዳምኒሶ! ዮዋ!

23 ዳም የሱሰኒ ኦትማሰ ንቶኔን እነ ሰንፋውቻዋ።

24 ኬሽታናሰ ክርሰቶሰ የሱሰኒኪ ካሞ ዙታምኒትሰኔን እነ ሰንፋውቻዋ፤ አሚን!



The New Testament in the Yemsa language of Ethiopia, Ethiopic script

copyright © 2025 The Word for the World International

Language: (Yemsa)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-06

PDF generated using Haiola and XeLaTeX on 5 May 2025 from source files dated 6 May 2025

03dcb1ff-0ef6-5f0e-a777-31ea8d578ea7